

明三十家詩選七

孝

邊 貢
皇甫 沅
高叔 嗣
區大 相

六十九首
四十四首
四十四首
四十一首

柳田文庫
文庫11
D 173
7



文庫 11
D173
7

明三十家詩選二集卷五上

邊

貢 六十九首

錢塘 汪端 允莊輯

貢字廷實，歷城人。弱冠舉宏治丙辰進士，授太常博士，擢兵科給事中。孝宗崩，疏劾中官張瑜、太醫劉文泰、高廷和用藥之謬，又劾中官苗達、保國、公朱暉、都御史史琳用兵之失，出為衛輝知府，改荊州，歷陝西、二云河南提學副使。嘉靖初，召拜南京太常卿，提督四夷館。擢南京戶部尚書。廷實少有盛名，諳吏事，所交悉海內才俊。久仕南都，優閑無事，游覽江山，揮毫浮白，夜以繼日。汪鉉為掌憲，忌其名論去之。家居耽翫。

柳田泉文庫

010190557800

典籍搜訪金石古文甚富一夕燬於火大慟曰嗟乎甚於喪我也遂發病卒年五十七所著有華泉集四卷國初濟南王貽上選刻四卷

朱中立曰華泉詩雖不逮李何然平淡和粹孝廟以前海岳之才無其倫比

何元朗曰華泉興象飄逸語亦清圓

陳臥子曰廷實麤率未除然時見精詣五言尤稱長城聲價在昌穀之下君采之上

宋轅文曰尚書才情甚富故能於沉穩處見其流麗朱錫鬯曰華泉長於絕句昔宋吳江令張達明嘗與客論詩曰詩莫難於絕句尤莫難於五言欲其章短

而意長辭約而理盡華泉庶足當之

王貽上曰宏正四傑惟何氏之後最大李氏次之徐氏有子伯虬稱詩吳中名載岳岱今雨瑤華而華泉仲子習字仲學者食貧授徒以老有睡足軒詩一卷薄暑不成雨夕陽開晚晴野風欲落帽林雨忽沾衣其佳句也

沈確士曰華泉邊幅稍狹而風人遺韻故自不乏李何邊徐並名有以也

汪端論曰華泉古詩朴實有餘風華不足近體秀整婉約有盛唐遺韻足以肩隨仲默弟畜子循王弇州言嘗見空同與袁永之手書以內弟左國璣貳於已

極排詆之且云此人尙爾何況邊李邊卽指華泉是
華泉晚年亦與空同不協宜其詩絕無齊豫儉父習
氣而虞山乃擯之與王敬夫康德涵同列蘭艾不分
未免方隅之見矣

送王內史敬夫歸省

歸驂慕鄉土。欲止不可能。朝發華陰祠。日過灞陵風林
散。輕雨山店明。春燈忽憶舊。時路別來如。更增蠪蛸綴簷
牙。遊子行到家。鄰里登牆頭。顧望紛且譁。堂前列車馬。堂
上生光華。何以爲親壽。宮衣明繡花草。堂近終南采蘭日
往來。兄弟各相勉。行歌咏南陔。親心日以悅。親顏日以開
閒時語家慶。笑指庭中槐。春潭水煙靄。春岸杏花赤。宛轉

沙上經。依依記行跡。濯纓清淺流。還坐舊苔石。鷗鷺了不
驚。遙應識歸客。春分酒初熟。香滿青門店。匹馬隨雙童。穿
林復經塹。夜函清夢裏。花筆生彩焰。好是南山靈。相尋索
詩欠。我思何所在。乃在樊川泚。斜月照虛梁。微風動芳芷。
悠悠抱沉念。脈脈感前喜。尺練難重持。春冰限雙鯉。君陂
水多魚。我湖山有鵲。一飛與一潛。各自相娛樂。同遊京輦
下。十載鎮如昨。昨夜問君行。朝來宦情薄。君才比天馬。高
躡不可蹈。我心實亡羊。多岐賴君導。關山一爲別。輪軫何
時到。感激木瓜篇。瓊琚愧相報。枕書臥南窗。月黑燈不明。
遙夜無近夢。深交有遐情。鳴琴寫幽懷。調苦絃亦清。曲罷
不成寢。高林啼曙鶯。秣馬西送君。行行古城陰。長亭短亭

路千里。萬里心。春綠變山草。連連岡與岑。歸林渺煙光。彷彿聞車音。音節纏綿神理殊近樂府

分韻再送文熙

夜久河漢橫。春堂別燈黯。風淒鳥初動。露重花猶斂。明發不在茲。重關為誰掩。

入錐石口

西登錐石口。鳥道不盈尺。連山樹如繡。雲中日將夕。不聞樵采音。但見虎行跡。

贈尚子

意氣憑凌一當百。關西儒生五陵客。少年學書復學劍。老大蹉跎雙鬢白。門下諸生半賜麻。閨中小婦猶炊麥。布衣

東來謁天子。春日醉臥長安陌。陌頭花絮夕紛紛。瓊閣如天隔紫雲。浩歌翩然却歸去。眼底誰是平原君。

運夫謠送方文玉督運

運船戶。來何暮。江上早風多。春濤不可渡。運船戶。來何暮。裏河有閘外有灘。斷篙折纜腰環環。夜防蟲鼠日防漏。糧冊分明算升斗。官家但恨倉廩貧。不知淮南人食人。官家但知征戍苦。力盡誰憐運船戶。運船戶。爾勿哀。司農使者天邊來。善於用短

九日

白日寒城暮。清秋畫角哀。地偏妨采菊。鄉遠怕登臺。鴻雁天邊去。風雲塞上來。故交零落盡。卮酒向誰開。

西陵訪王給事汝温不遇

狂夫多野性。春到每思家。却訪山中客。還逢水際花。薄雲陰古殿。鳴鳥聚連沙。迤邐回谿晚。西陵月正斜。

下陵

露行踰十里。夜黑四巖陰。不辨雲霞色。惟聞鐘磬音。塹鴉翻列火山。鬼嘯空林欲下西陵路。前溝水正深。窈窕山逕僻。喧喧徒御歸。馬逢危石住。燈入古林稀。樹密全妨蓋。雲寒半溼衣。紅門知不遠。秋角聽依稀。

九月望日同大陽有臺二使君泛湖出郭

野眺鄰幽曠。移舟出水關。上卿雙蓋迥。漁父一蓑閒。墜葉紛飄座。迴汀曲抱山。芳尊對搖落。不醉可須還。

村舍

村舍孤煙起。山中朝雨寒。丁夫荷鋤去。稚子出門看。早稼登場圃。秋瓜蔓井闌。居然羨閒逸。趨府欲辭官。神到

泛湖

此日秋風起。移舟向浦煙。客心隨地遠。人語隔花傳。古寺疎林外。孤亭落照前。十年塵土夢。回首一茫然。

山行

兩山開一逕。杳杳入雲煙。仄磴樵人下。危峰野衲禪。斷鴻愁返照。歸馬識斜川。井邑干戈後。凋零異昔年。

與平厓林牙史泛湖北抵華不注山夜從陸歸

黃昏過別業。却見舊山僧。客駕聊云息。鄉愁轉更增。水光

浮。夜。月。林。影。散。秋。燈。隔。苑。聞。寒。犬。高。軒。醉。懶。乘。

寄華山人

山人歸薜蘿。迢遞兩年過。道遠情無那。秋來興若何。隰霜收。早稻。江日曝。寒簑。不見雲中鶴。空傳招隱歌。

寄陳石峰中丞

一。別。梁。園。雨。五。看。秋。草。疎。君。爲。烏。府。客。我。向。白。門。居。髮。短。風。塵。裏。心。長。老。病。餘。江。流。日。東。下。何。處。覓。雙。魚。

出郭將訪齊準郡伯懼暮而返却寄

駕言江口出。却至水西還。遠道空回首。重門欲上關。斷雲低。白雁斜。日近青山。欲採瑤華贈。仙舟不可攀。

用前韻寫懷

欲。逃。中。夏。暑。暫。止。上。江。船。夜。臥。對。松。月。曉。行。披。水。煙。佳。期。渺。天。末。良。覲。阻。尊。前。相。問。各。華。髮。遙。悲。青。鏡。年。

再次前韻贈載卿

賓堂瞰水滸。沙柳繫行船。裊裊綠蘿月。冥冥芳浦煙。鄉關百里外。世事一尊前。記取相逢地。清河旅食年。

旅寓清源有懷故鄉親友次張西峰韻

雨。過。雙。松。午。雲。陰。覆。閣。長。柳。蝸。迎。日。嘒。芹。燕。落。泥。香。碧。水。通。官。舍。青。山。接。故。鄉。懷。人。不。可。見。歸。思。轉。蒼。茫。

送都玄敬

驅。馬。別。君。處。秋。陰。當。暮。生。林。柯。無。靜。葉。江。雁。有。歸。聲。綠。水。聞。門。道。青。山。建。業。城。未。能。同。理。楫。延。佇。獨。含。情。

情在景中

贈別

早葉乍辭林。晚蟬初罷吟。入秋鄉國夢。垂老故人心。道在寧須祿。官清尚有琴。城隅分手處。惆悵水雲深。

次韻畱別張西盤

滿酌豈辭醉。未行先憶君。山城稀見菊。關樹不開雲。地入河源渺。天連塞日曛。那堪北來雁。偏向別時聞。沉厚

送楊伯玉子南歸

孤舟風雨涼。江客下江鄉。歲月愁邊晚。煙霞夢裏長。釣溪明蘚石。書架拂芸香。霜落南垓冷。何人共采芳。

趙麗卿豸史座畱別

聽雨罷彈棋。蒼茫生遠思。遙應白門柳。飄蕩綠煙絲。旅跡

江花笑。歸心海燕知。倚酣方戀別。休誦渭城詩。

幽寂

幽寂臥蓬戶。淒涼懷舊吟。鶯啼非故國。草色亂春心。落日黃雲暮。陰風碧海深。嗷嗷北來雁。二月有歸音。

元日次灤江中丞韻

伏枕驚看歲又新。臥聽街市響蹄輪。樽無白酒元因病。屋有青山不當貧。向晚雲霞偏弄色。得時梅柳故爭春。閉門可是甘肥遜。懶效東西南北人。第四語佳五六似刺當時奔競者玩結句可見

春日王監察天宇過訪畱酌

牙冠春訪薜蘿衣。晴日池臺燕子飛。心為感時偏耿耿。話因談舊轉依依。閒過別院題青竹。却望南山指翠微。欲問

野夫棲隱處。九槐溪上一柴扉。

○除夕述懷奉次類庵宗伯之韻

薄暮融風起凍霞。五更晴靄麗年華。空香裊篆爐存火。苑色回青柳放芽。辭谷早鶯同命侶。過江春雁各思家。物情人事端居外。頗念吾生亦有涯。五六得此典之旨

寄華文遠

江空月白秋千里。不見山人跨鶴來。梅樹長懷隴頭信。菊花虛負掌中杯。清川碧石三吳道。老雁長雲九日臺。却對曉星傷落落。客邊懷抱幾時開。清骨稜稜麗而不膩

坐上次韻贈朱叔之

暫維沙舸憩蘭皋。爲訪金陵舊吏曹。南雁獨衝淮甸雪。北風遙送海門濤。尊開子夜情俱洽。賦入陽春調轉高。起舞對君還照影。笑看吾鬢已刁騷。

答灤江王大理再用前韻

棘臺春靜日端居。藻思立情入太初。茂叔故應畱徑草。公儀安用拔園蔬。極知台鼎身須到。豈獨邊關事可書。江口暮潮天際月。試從消長看盈虛。

用韻贈五松月

憶昔荆南遠卜居。相逢曾及雁來初。山堂習隱秋看桂。郡閣畱懽夜剪蔬。天末往來千里道。篋中悲喜十年書。懷君只似江城月。長願清光照紫虛。華泉七律清婉秀逸兼青邱大復之長餘子莫能及也

寄嘉定章太守

六千里外關山道。二年中風雨愁。書信不隨湖雁過。夢魂空遶蜀江流。纖纖凍柳含煙裊。萋萋春雲向日浮。多病有懷貪遠望。強扶藜杖一登樓。

七夕有懷

欲問南塘早暮潮。柳煙蘆月望迢迢。磯頭錦鯉真難掣。天外冥鴻可易招。菡萏出波還並蒂。女牛經歲亦成橋。懷人已恨蓬山遠。何處涼風引玉簫。神韻妍雅絕似玉溪

次韻殷石溪遷居

溪翁小隱城隅地。窈窕松窗對竹林。習靜不知紅日晚。避名真似碧山深。臨池野鶴陪孤立。破雪江花笑苦吟。從此

鳳凰臺畔路。杖藜應許數相尋。

鑑湖欲並賀知章。洛社何如司馬光。耆舊卽今新續傳。達人隨處可爲鄉。沙溪綠蕙牽風細。水榭青蘿映月長。更喜鬱林洲畔石。歲寒相對倚冰霜。

劉子希尹王子孟宣許攜家醞相過草堂薄暮不至

次杜子登高韻以嘲

落日孤城秋可哀。碧溪縈帶紫山迴。安隨土俗登高去。豈得鄰翁送酒來。叢菊破霜開小苑。片雲將雨過層臺。藤蘿石上娟娟月。誰共黃昏坐一杯。落落遠俗

聞台峰舟過清源不遂瞻奉短詩寄懷

隔歲關河音信遲。美人千里惜分岐。伯華實愧祁奚舉。仲

父虛承鮑叔知春到水亭花發處月明山館雁來時孤帆
迤邐青驄遠西望長吟有所思

新莊道中卽事次章柳庵郡守韻

步隨芳草愜尋幽踏遍山亭與寺樓情入暮春多感慨地
過名士亦風流川長漸覺三花遠雨足因占二麥收南望
嶽峰蒼翠裏到時深恐白雲留

結語妙
有含蓄

送陳靜齋南歸

泛梗流萍少定踪此歸何地卜相逢客帆未掛三江月鄉
夢先過五老峰山水久應懷六一廟堂終擬召夔龍極知
離合關交誼莫怪臨歧別思濃

筐山道中畱別親故

發春移舸入冬還北闕南都去住間歸夢不離官寺月賞
心猶戀故鄉山深憐老病元相倚可道淹畱且自閑扶醉
別君西郭路共看華髮感朱顏

送趙主簿兼柬同年呂稽勛仲仁

梁溪渺渺錫山蒼南去天涯客路長霜下海門潮漸落雨
深江甸橋初黃城池舊識延陵郡風俗猶傳太伯鄉欲見
吏曹憑寄語一年秋色負重陽

熨貼而
有風度

齊河館中阻雨與二三君子宿別

曖曖青燈夜向深臥聽簷雨話鄉音水荒田野猶征粟寒
入關山未搗砧江海十年離別夢道途千里去畱心月明
且向孤城立擬看長風破積陰

悽惋而
不迫促

次韻贈別羅子文同年

白馬青衫杏苑東。醉遊曾記往年同。不愁花盡三春雨。長恨蓬飄萬里風。短札幾回傳嶺外。片帆何日到閩中。南樓素月懷人處。夜夜憑闌向遠空。

次韻送都立敬

古驛征輶畫舫燈。客途風景向秋澄。幃邊涼月經淮甸。枕上微鐘過廣陵。草滿臺城山寂寂。雨晴江寺塔層層。十年舊跡空回首。幾度追陪夢裏登。

水關東北泛舟晚造希尹別業

隱隱輕雷動水西。水東殘日抱晴霓。女牆倒颭紅旗影。農屋斜連綠稻畦。張相池臺煙漠漠。閔公祠墓草淒淒。迴舟

不盡登臨感。却棹涼風過別溪。

寫景清峭
恰極自然

同灤江定齋茂卿登明遠樓

羣公豪爽過陳登。醉臥高樓第一層。海岳共迴千里眺。乾坤遙入四闌凭。城懸暮景初聞鴈。寺出寒山不見僧。恍惚洞仙騎羽鶴。紫簫吹斷綠雲凝。

宴鄭氏園亭

觸熱遙遙一駐驂。望中煙火傍山嵐。春回花徑殘紅少。雨過林亭遠翠涵。此日圖書還客底。故人尊俎又城南。冰壺涼簟留連地。時聽黃鸝聲兩三。

再至居庸

山雲冉冉石垂垂。公暇焚香晚對宜。窺牖亂峰青似戟。穴

城孤澗白於絲人家高下緣蹊見風氣寒暄入塞知憑語
抱關休偃仰雲中日夜羽書馳

題陳氏水閣

吟倚高樓傍檻西碧窗回覽夕陽低雪消芳渚鷗爭泛春
到垂楊鳥自啼商舸近橋帆影亂女墻如帶草痕齊停杯
不盡興亡感六代豪華水一溪佳景佳句

自潼口入襄陽道中值雨復霽

遙遙村舍起孤煙曖曖斜光落暮川行處祇疑身入畫別
來應有夢相牽沙邊古柳雙棲鷺石上輕蓑一釣船趨府
不愁江路黑碧山蘿月已娟娟

歸寺

荒荒野逕蒼苔滑淺淺僧房白竹斜晝坐不知誰是主暮
歸聊以此為家幾聲畫角吹山雨十里朱門鎖苑花行止
也知無定著寒雲枯木楚天涯調法流轉

九日

庭喧兒稚亦堪怡況值黃花爛熳期池上晚盃收凍蟹枕
邊秋扇罷戎葵山亭月白眠長少水榭風清坐屢移昨夜
有人東國去已教先辦買山資新倩

謁文山祠

丞相英靈迥未消絳帷燈火颭寒飈黃冠日月胡雲斷碧
血山河龍馭遙花外子規燕市月水邊精衛浙江潮祠堂
亦有西湖樹不遣南枝向北朝沈確士云後半神到弔信國詩此為第一

送曹水部

天涯離袂惜秋分。客枕無端別夢勤。尊酒一宵同聽雨。扁舟何處獨看雲。鶯花日遠旗亭樹。魚菜春香水國芹。南北相望四千里。出門回首是思君。

送于利

一別春城雨。兩回秋月圓。燈前不盡醉。書札但空傳。離腸似連環。宛轉不可絕。相送淮水秋。相思燕地雪。

送馮侍御允中還柳

驄馬逝駸駸。蒼林蔭長陌。憐君楚雲外。獨作秋江客。

雜畫

日出打魚去。日斜沽酒還。漁翁家不遠。只隔岸西山。

閉門聽春雨。開門寡行旅。借問橋上翁。河水深幾許。鳥啼青石岡。日照紅泥坂。杳杳雲外鐘。山僧獨歸晚。

題子立扇頭

江靜無飛鳥。亭空有落花。主人何所在。沽酒向漁家。

西園

朝看長白山。暮看長白山。山色有朝暮。吾心常自閒。

冬至上陵

蒼蒼土門口。日出逢樵叟。問爾何事來。山中苦無酒。

重贈吳國賓

漢江明月照歸人。萬里秋風一葉身。休把客衣輕浣濯。此中猶有帝京塵。沈確士云。婉而摯。視素衣化為緇。用意各別。

嫦娥

自注時外舅胡觀察謝政家居寄此通慰

月宮秋冷桂團圓。歲歲花開只自攀。共在人間說天上。知天上憶人間。

峴山

大樹蕭蕭白日寒。羊公祠下獨凭欄。尋常一種青山石。長使行人灑淚看。

寄楚中友人

客來君寄一雙魚。客去還君一紙書。欲買扁舟向東下。洞庭春浪近何如。

附錄

顧璘九首

璘字華玉先世吳縣人徙南京舉宏治丙辰進士授廣平知縣擢南京戶部主事晉郎中正德四年出為開封知府數與鎮守太監廖堂王宏忤謫全州知州遷台州知府歷浙江左布政使山西湖廣巡撫右副都御史所至有聲遷吏部右侍郎改工部董顯陵工畢遷南京刑部尚書罷歸華玉少負才名與劉麟徐禎卿號江東三才又與陳沂王韋稱金陵三俊嘗撰國寶新編錄李何以下十五人各系以贊時以為允虛已好士如恐不及在浙慕孫太初不可得見幅巾道衣放舟湖上月下見小舟泊斷橋下一僧一鶴一童子煮茗笑曰此必太初也移舟就之遂往還無間

巡撫湖廣時愛王稚欽才欲見之稚欽不可華玉偵其狎游時疾掩之稚欽避不得遂定交既歸構息園治幸舍數十間以待四方之客客至如歸命觴染翰畱連浹歲無倦色聲譽藉甚年七十餘卒所著有浮湘集四卷山中集四卷憑几集五卷續集二卷息園存稿詩十四卷文九卷

穆敬甫曰顧公吳中才子有知人鑒爲當時風雅主盟詩亦奇古不俗

虞山曰華玉詩矩矱唐人才情爛然格不必盡古而以風調勝

懊惱曲

小時聞長沙說在天盡處人言見郎船已過長沙去
朱笠立長沙遠妙說在前下作不盡語意味無窮

度楓木嶺

初指山拂天飛鳥不可度艱苦躡危磴卽是我行路百折頻攀援十步九回顧高林忽在下衣襟帶雲霧倒景猶照人平地黯將暮東北望故鄉江流莽傾注長風萬里來獨立難久竚

朱笠亭云極宕逸作態飄飄如帶雲氣

宮怨

翠靨金蟬入內家擬將新寵屬鉛華君王自信圖中貌靜女虛迎夢裏車帳殿秋寒生角枕屨廊空響應琵琶含情獨倚朱闌暮滿院微風動落花

漢皇宮殿月明時。會侍宸游百子池。舞馬登牀春進酒。盤龍銜燭夜觀棋。御前却輦言無忌。衆裏當熊死不辭。舊恨飄零同落葉。春風空繞萬年枝。
工麗之中復饒溫厚。追步唐賢名作。

病中憶陳魯南王欽佩

空齋高臥動經旬。遠夢天涯憶故人。典禮尙聞劉向起。草元猶奈子雲貧。江樓積雨鳴長夜。山郭餘花墮晚春。人世幾何將白髮。年年離恨獨傷神。

寄許州七弟瓌

千官扈從羨能文。謫牧新聲天下聞。落魄吾家蘇季子。風流南郡小馮君。魚龍路怯黃河險。鴻雁聲愁碧海分。莫上吹臺瞻越嶠。五湖回首隔重雲。

庚辰元日

諸侯玉帛會長安。天子南巡歷壯觀。共想正元趨紫殿。翻勞邊將從金鞍。滄江飲馬波先靜。黃竹回鑿雪未乾。北極巍巍天咫尺。五雲長護鳳樓寒。
沈確士云。應是寧庶人已擒而武宗猶巡遊不返。故有此作。

登清涼寺後西塞山亭

晚上高亭對落暉。萬山寒翠溼秋衣。江流一道杯中瀉。雲樹千門鳥外微。古寺頻來僧盡老。重陽欲近蠚爭肥。霜楓惡作蕭條色。故弄殘紅繞客飛。

寄和趙戶曹叔鳴西寺游矚

水香花氣鳳樓西。宿雨初晴御苑泥。萬柳曉籠蕭寺暗。五

雲。春。壓。漢。宮。低。行。經。繡。陌。啼。鶯。滿。迴。望。蒼。郊。遠。樹。齊。獨。念
江南愁病客。竹窗斜月臥聞雞。

王廷相 七首

廷相字子衡儀封人宏治壬戌進士選庶吉士授兵
科給事中正德初爲劉瑾所嫉謫亳州判官量移高
淳知縣召拜監察御史疏言盜賊四起將帥未能平
由將權輕不能禦敵兵機疏不能扼險也盜賊所至
鄉民奉牛酒甚者爲効力盜有生殺權而將帥反無
之故兵不用命宜假便宜退却者必斬河南地平曠
賊易奔山西地險阻亦縱深入將帥罪也若陳兵黃
河之津使不得西分扼天井使不得東而主將

以大兵威之則賊進退皆窮可不戰禽矣帝切責總
督諸臣悉從其議尋出按陝西裁抑鎮守中官廖堂
被誣下詔獄謫贛榆丞屢遷山東副使嘉靖二年舉
治行卓異再遷山東右布政使以右副都御史巡撫
四川討平芒部賊沙保入爲兵部侍郎左都御史進
兵部尙書提督團營仍掌院事加太子太保雷震奉
先殿子衡上疏言人事修而後天道順大臣法而後
小臣廉今廉隅不立賄賂盛行先朝猶暮夜之私今
則白日之攫大臣汚則小臣悉倣京官貪則外官無
畏臣職憲紀不能絕其弊乞先罷斥用以刺尙書嚴
嵩張瓚等帝但諭畱而已後以郭勛事有連被劾罷

歸卒年七十餘隆慶初復官謚肅敏所著有家藏內
臺二集共五十四卷又有昏禮圖鄉射禮圖注喪禮
論喪禮備纂諸書

朱錫鬯曰浚川詩格諸體稍備惟五言絕句頗有摩
詰風致下亦不失爲裴十秀才崔五員外又曰浚川
序空同子詩稱其掩蔽前賢命令當世秦漢以來罕
見其儔然空同名成之後目空四海觀送昌穀之湖
湘詩述一代人文之盛有云是時少年誰最文太常
邊丞何舍人三子而外並不及浚川隻字也鄭繼之
未嘗謀面乃有句云海內談詩王子衡春風坐徧魯
諸生宜浚川見之有知己之感於繼之身後賦少谷

子歌焚其稿於燕望闕再拜歌云彼時才傑游帝傍
信陽之何棠陵方大梁翩翩李川甫吏部薛生尤擅
場於空同亦未齒及不無憾焉矣他日作遣興十首
其一云昔吟吳下徐昌穀幻出斯文百代先其二云
康子文章迥絕塵其三云逸氣誰當鄭善夫其五云
大復天才冠兩都其六云後來誰擅六朝奇君采分
明別綴詞其七云散逸長年何粹夫獨於空同則云
疏越朱絃大雅沉始知清廟有遺音峽江迫阨湍瀾
出可是空同太劇心殆有微辭焉信乎恩怨之難忘
也

赭袍將軍謠

萬壽山前擗大鼓。赭袍將軍號威武。三邊健兒猛如虎。左提戈。右張弩。外庭言之赭袍怒。牙旗閃閃軍門開。紫茸罩甲如雲排。大同來宣府。來沈確士云卽空同內教場歌意

秋日巴中旅行

巴東秋氣早。行客已悽悽。江險深三峽。雲寒暗五溪。中原無雁至。異國足猿啼。況近烏蠻塞。連年尙鼓鼙。

春草謠

塘上草離離。照妾春羅衣。待君君不來。滿庭螢火飛。

初見白髮

日日風塵色。勞勞簿領身。不知清鏡裏。已作二毛人。

宮怨

夜輦昭陽月。春筵上苑花。不成供奉日。枉自學琵琶。

秦川雜興

古陵在蒿下。啼鳥在蒿上。陵中人不聞。行客自惆悵。沈確士云可當蒿里歌故作曠達語倍悽惋

閩中歌

天濶浮煙迥。沙平落照低。春江同在眼。只覺異巴西。

公 肅 九首

肅字孝與。蒙陰人。好學能文。磊落有器識。舉萬厯辛丑進士。改庶吉士。授編修。屢遷左諭。德爲東宮講官。進左庶子。乞歸。光宗立。召拜祭酒。天啟初。進詹事。乃上疏曰。近聞南北臣僚論先帝升遐一事。跡涉怪異。

語多隱藏恐因委巷之訛傳流爲湘山之稗說臣竊痛焉皇祖在昔原無立愛之心祇因大典遲回於是繳還冊立之後有三王竝封之事憂危竝議之後有國本攸關之事迨龐劉之邪謀張差之挺擊而逆亂極矣臣嘗備員宮僚目睹狂謀孔熾以歸向東宮者爲小人不向東宮者爲君子盡除朝士之清流陰剪元良之羽翼批根引蔓干紀亂常至今追想猶爲寒心夫臣子愛君存其真不存其僞今實錄纂修在即請將光宗事蹟別爲一錄凡一月間明綸善政固大書特書其有聞見異詞及宮闈委曲之鈔用皆直筆指陳勒成信史臣雖不肖竊敢任之疏入不許又以

紀元甫及半載言官獲譴者至十餘人上疏切諫忤旨譙責尋遷禮部侍郎協理詹事府充實錄副總裁見魏忠賢亂政引疾歸初廷議起用李三才未決孝與言今封疆倚重者多遠道未至三才家近輦轂可朝發夕至也侍郎鄒元標趣使盡言以言路相持而止後御史葉有聲追論孝與與三才爲姻徇私妄薦遂落職閒住未幾卒崇禎初復官謚文介所著有問次齋集三十卷

王貽上曰文介詩文淹雅不減唐人風致絕句尤工李渭清曰文介詩篇篇溫栗句句清脆

朱錫鬯曰言詩於萬曆則三齊之彥吾必以公文介

爲巨擘焉卽其論詩大旨云風雅之後有樂府猶唐詩之後有詞曲聲聽之變有所必趨情詞之遷有所必至古樂之不可復久矣後人之不能漢魏猶漢魏之不能風雅勢使然也如漢朱鷺翁離之作魏晉諸臣擬之以鳴其一代之事易名別調當極其長豈以古今同異爲病哉後世文士如李太白則沿其目而革其詞杜子美白樂天則創爲意而不襲其目皆卓然作者後世有述焉近乃有擬古樂府者遂顛以擬名其說但取漢魏之詞句模而字合之中間豈無陶陰之誤夏五之脫悉所不較或假借以附益或因文而增損踟躕牀屋之下探肱膝篋之間乃藝林之根

蝨學人之路阱矣以此語於作者之門不亦慙乎夫才有長短學有通塞取古今之人一一強同則千里之謬不同秋毫肖貌之形難爲覲面若曰樂府則樂府矣盡人而能爲樂府也若曰必此爲古樂府使與古人同曹而竝奏之其何以自容哉李于鱗曰擬議以成其變化噫擬議將以成其變化也不能變化而擬議奚取焉又云律詩出於古詩而難於古詩七言後於五言而難於五言故七律於諸體中最不易工古今長技惟杜氏耳杜氏之長惟秋興懷古諸將數篇而已近世擬作甚多大率淺率牽合觀者厭焉又贈邢子愿長歌云爲君歷代選宗工前稱宏正後嘉

明三才詩選二集卷五十一
隆北地雄渾真大雅步趨盡出少陵下信陽俊逸誠
天然邊幅姿態未全捐濟南匠心奇且麗藻績無乃
傷辭意武昌才力謝諸君節制之師獨出羣東吳囊
括靡不利鈍未能免人口大抵明興只數家瑜者
從來不掩瑕餘子紛紛未易說擬議原非吾所悅丈
夫樹立自有真何爲效彼西家輦蓋力攻摹擬之非
也

汪端論曰東橋浚川文介詩均能自出新意不逐時
趨東橋之七律浚川之五絕文介之七絕尤多佳境
至東橋浚川爲空同執友文介乃歷下鄉人而東橋
與國寶新編於空同頗寓不滿浚川則始合終離文

介針砭歷下之病與于文定並稱卓識今錄二公詩
附華泉後以見士貴特立不在依傍門戶也

詠古

齊糾亡公子。乃有從死臣。田橫五百士。臨難皆殞身。西京
萬億衆。符命爭美新。古來稱得士。惟在意氣真。推心置人
腹。豚魚亦相親。

古人獲我心。善達窮通理。安危慮所居。屈伸貴自己。已貴
可復賤。中立常不倚。衰至易生驕。腊毒恒在美。薛公僅遺
榮。疏傅庶知止。寥郭晞冥鴻。矰繳安可擬。

梁臺遇雨

不見梁臺月。孤亭暮雨昏。感時思良嶽。懷古問夷門。苑竹

龍鍾發。宮槐兔目存。星軺疎應接。白鳥對開樽。

渾雅

諸將

上谷漁陽拱帝京。相連河外受降城。一從塞馬來南牧。遂使王師罷北征。絕徼尙傳青海箭。中原新動綠林兵。主憂正值宵衣日。誰向天山答太平。

南竺寺

晚霞挂重墀。微月碧殿空。林壑松檜響。十里聞秋風。

習家池

峴首峇堯漢水長。習家煙樹野亭荒。羊公流涕山公醉。並枕殘碑臥夕陽。妙在不
下斷語

別邢子愿

南浦分攜暮雨微。平林望斷送將歸。新詩一一題團扇。隴首秋雲片片飛。王貽上云不
減唐人風致

濟南晤李季重

一望并州雁影沉。三年幽夢蜡湖陰。歷城四面寒泉水。堪照青陵臺下心。四句中皆用地名源
出太白峨嵋山月歌

西郊金主鈞臺

花石遺綱陷戰圖。薊門衰草釣臺孤。不知艮岳宮前叟。得見南軍入蔡無。

明三十家詩選二集卷五下

錢塘 汪端 允莊輯

皇甫汈 四十四首

汈字子循長洲人七歲能詩舉嘉靖己丑進士官工部主事歷郎中名動公卿頗沾沾自喜用是外謫為黃州推官屢遷南京稽勲郎中再貶開州同知量移處州府同知陞雲南按察僉事以大計免官年八十而卒子循與兄冲淳弟濂並博學工詩時稱四皇甫所著有司勲集六十卷又有百泉子緒論解頤新語穆敬甫曰皇甫伯仲以詩為業各臻妙境而司勲尤為白眉

胡元瑞曰子循五言清空瀟灑色相盡空雖格本中唐而神韻過之

馮元成曰皇甫百泉與王弇州名相埒時人謂百泉如齊魯變可至道弇州如秦楚強遂稱王最爲確論沈確士曰吳中詩品自高季迪徐昌穀後應推四皇甫以造詣古澹無一點穠纖之習時二黃三張空存名目耳又曰子循五古出入二謝五律亦在錢劉之間與兄子安可云敵手

汪端論曰子循詩雖取法選體中唐辨香實在迪功故與黃勉之爲中表而不師獻吉與王元美相倡酬而無取于鱗澹雅矜鍊自成一時論者曰吳詩

清淺靡弱不以二李劑之何以詩哉是盲人之言也

奉答子安兄

江郭改故陰。家園藹新霽。柔條始發林。芳草漸紆砌。潘居信爲閒。楊亭況重閉。曰余忝明時。與子承嘉惠。分省各有譽。佐郡慙所莅。暫就北山招。轉愜東田稅。情忘桃李言。跡豈匏瓜繫。感遇興長謠。來章緬幽契。

仲秋之月諸弟燕私風月雖佳雲雨或間五首

奉義遊京邑。數載違親宴。迢迢明月光。照我越江漢。何如故鄉夜。及此清秋翫。鏡彩攬未盈。璧景委纔半。桂樹敷丹英。華萼紛相煥。雖謝西園悰。庶附南枝翰。
十三夜
良辰信具美。清夜永爲歡。明月已幾望。華彩流雲端。廣庭

置芳座。高會列盤餐。但云杯行緩。不惜露下寒。情來感今
易跡。往戀昔難。一聞關山曲。猶似別長安。十四夜

敦賞每卜夜。行樂聊及時。秉燭且不寐。待月豈云罷。鱗鱗
玉葉薄。皦皦金波遲。高臺臨窈窕。迴塘生漣漪。載歌蟋蟀
唱。復詠鵲鴿詩。清輝一以鑒。素心同所期。十五夜

嘉月有餘照。歡晤無限情。寵弟載旨酒。要我坐華楹。莫齊
茨。復委桂滿輪。乍傾忽忽愁霖至。瀏瀏悲風鳴。圓缺遞相
運。明晦焉足驚。太康靖往訓。知止崇令名。十六夜

肅肅斂朝雲。娟娟收夕霧。江上珠始來。天際鏡方露。列宿
齊掩縹。凝霜共呈素。嘉肴尚堪薦。美酒猶足具。良友且無
歸。劇飲酬茲遇。所願揚末光。何辭照遲莫。十七夜

冬日往虞山作

故鄉誰不懷。名山矧余慕。一爲塵跡牽。遂濶賞心晤。偶值
芳歲闌。遙泛滄洲趣。澄江帶餘霞。丹壑收殘霧。嚴霜委野
草。寒飈振臯樹。指途尋舊蹤。流盼成新寓。魚樂媿淵沉。鴻
冥羨雲鶩。歸來徒是今。履往悵非素。

從軍行寄贈楊用修

鴻運纂丕基。龍飛起潛邸。聖孝亶淵衷。徽猷邁前軌。聚訟
紛盈庭。批鱗抗羣議。徒逞折角雄。猶取越樽忌。在宥蒙至
仁。承嘉遠投裔。稽首金馬門。傷心碧雞戍。幕府雅好賢。辟
君掌書記。三紀踰瓜期。數口尙匏繫。竭來秉憲章。欲往問
奇字。爲賦從軍行。聊展懷人思。

思文際聖君。稽古萃羣辟。子雲侍承明。胡爲去荒域。被命事犀渠。差勝下蠶室。憤志酬八書。榮名重三策。丁年子卿。嗟皓首。仲昇泣。看鳶窮瘴煙。放雞定何日。業旣違操觚。勲還期裹革。五月行渡瀘。千里望巴國。瀘水向東流。巴雲忽西匿。相思持寸心。願附雙飛翼。

送陸宜甫還洞庭

烈士晞康衢。逸人緬幽壑。矯翼鮮寧棲。潛鱗有深託。陸君箕穎流。雅志甘場藿。被褐自行吟。持經事耕作。別來歲屢邁。念往迹猶邈。避亂辭東山。韜光翳南郭。聿暮促歸心。申章敘離索。雪積湖上居。雲停林間閣。挂席迴青陽。援琴遲芳酌。願保黃髮期。無渝素心諾。熟精選體 乃有此作

送陸給事燦謫都勻驛

國論何年定。鄉心此夕搖。雁飛天畔驛。龍隱日南橋。謫宦恩非薄。之夷路詎遙。誰憐梁傅淚。曾灑漢文朝。

臘月十五夜

坐惜青天月。能餘此度圓。乍來梅蕊下。猶滿桂叢前。江浦潮難落。關山思可憐。催人三五夜。含照入新年。

秋日

關山迴素節。水月湛清虛。暑氣銷蘭酌。涼颼襲桂裾。露疑仙掌後。葉似洞庭初。願得逢南雁。他鄉一寓書。

虞山遇陸一宜俯吳二子新同泛因登絕頂作

共愜山中想。俱來水上逢。尋溪迷萬轉。攀壑隱千重。雲氣

流巖竹。泉聲落礫。松窮探不惜。暝還陟最高峰。

詠虞山倒影

今夜看山色。翻從一水中。溪嵐乘月吐。巖翠合雲空。波淨明葭菼。沙寒落雁鴻。臨杯挹仙檜。星影亂芳叢。摹寫空靈化工之筆

冬夜對月

木落但疎林。蕭然月色深。無愁蟾兔缺。祇惜歲華侵。霜露流寒影。關山戀故陰。漢家新罷戰。萬里照歸心。

熊叔抑同唐應德入四明弔陳約之憮然作詩

憐君提寶劒。東去覓徐君。可惜看花伴。翻同落葉分。淚傾鄞海月。心斷剡溪雲。篋內收遺草。傳來不可聞。

寄王稚欽

一自楚鄉別。再逢吳苑春。風塵愁作吏。江漢遠懷人。驛路梅花發。祠堂柳色新。將從漁父問。湘水隔迷津。

崑山道中清明

芳辰郊外度。煙火曉來微。蘿磴通樵徑。花洲出釣磯。且因乘月往。更得詠風歸。莫戀明時去。空慚吏隱非。

朱大理邀遊大石

振策凌霄上。畱筵拂石開。峰懸疑削出。崖斷似飛來。雲氣晴交雨。濤聲晝引雷。危梁倘可度。扶醉隔溪回。

十月十五夜月

清漢月仍滿。空山歲欲闌。入林無葉碍。映水覺池寒。遠道心千里。高樓思萬端。誰能三五夜。長及盛年看。三四寫月之神謝希

逸亦未
曾道

酬子安迫歲將事行役書情

聞君歌赴洛而我歎遊秦。一出江湖遠頻驚歲月新。閒雲
歸後意芳草客中春。不及稽生嬾長辭當路人。

舟中對月書情

不識別家久。但看明月暉。關山一以鑒。驛路遠相違。影落
吳雲盡。涼生楚樹微。天邊有烏鵲。思與共南飛。

初入京

子牟懷魏闕。張敞戀都門。竄逐一何久。交游半不存。雲山
到如夢。桃李對無言。誰識傷弓者。明珠欲報恩。

贈高郵守陳光哲

王祥佩刀日。謝眺下車辰。坐見望舒改。行歌沂海春。淹留
倚淮樹。遲暮對江蘋。宣室多祠事。猶憐未召人。

道中憶陸子宜俯

良友一相失。殊方誰見求。湖雲歸去夜。壇月別來秋。夢裏
青山路。吟邊芳草洲。何由遲歡晤。天外是南樓。

秋日思牛首諸山因寄海天上人

坐憶空山路。青林去不遙。齋闕閉秋雨。寒磬落江潮。雅白
依龍藏。憑誰問虎橋。塵心報支遁。何日晤言消。

秋日懷王維楨

京國歲華晚。江城風雨秋。疎聲兼葉度。寒色帶雲流。羈宦
潘生省。懷人謝監樓。如何潮落盡。猶未下仙舟。

送沈二遊越中

攜琴謝氛俗。抗策訪名山。世事興亡後。秋心詞賦間。石潭沿月弄。天日倚雲攀。別有觀濤興。枚生定未還。雅人深致

荊州詠雲夢澤送子約

七澤疏雲夢。三湘滙洞庭。路隨芳草綠。窗入遠峰青。神館朝蒸霧。仙槎夜犯星。懸知賜田者。詞賦擬騷經。典麗

諸君乘月攜酒見過遲謝山人不至席上作

芳樹長安道。春宵動旅愁。一尊良讌會。四海盡交遊。玉漏寒頻度。金河靜不流。清輝憐謝監。何事隔南樓。

寄子約弟

兩地承嚴竄。同時罷省郎。因書問舟楫。何日下沅湘。客夢

頻棲月。征途欲戒霜。平生題賦意。那得倦遊梁。高格

石門

洞門紆逕引。飛瀑半空聞。掛壁常看雪。開窗但弄雲。帆輕過鳥疾。衣冷落花紛。何事淹歸馭。清暉戀謝君。

九日寄子約

時海寇甫戢。聞河中盜起。

漫有登高處。兼當望遠何。對花驚白髮。見雁憶黃河。亂後書來少。霜前木落多。不堪羈宦日。同是阻干戈。神骨俱王

七月六日張幼于館燕別將赴豫章

祖席叨君燕。蕭齋與客過。早雲涼思少。江月旅情多。著作慙金馬。遲迴戀薜蘿。欲知臨別恨。來日視星河。

袁州九日

信美登高日。宜春有舊臺。花非吳地發。雁是楚天來。郭外千家盡。窗中萬壑開。此鄉多旨酒。聊覆使君杯。

與鄭司士夜話

故國經年別。他鄉會面難。人疑天外至。花似夢中看。山瘴侵羶溼。江流遶舍寒。不知臺省客。誰念一儒官。

三衢道中

山居無別業。民俗半爲農。樹杪開山閣。溪灣置水舂。採薪朝候艇。乞火夜聞鐘。歲晏收盧橘。猶堪比戶封。

由罨畫溪登玉陽山院

溪水鏡中渡。風帆畫裏看。潭猶名玉女。地卽訪銅官。向夕山常雨。先秋樹已寒。洞霄供奉日。歸隱聖恩寬。雋永

廣寒宮登眺

卽遼后洗粧處

寶閣凌霄建。珠窗映日開。月臨疑桂宇。露灑卽銅臺。山悉圖嶠入。池猶象漢迴。倚粧花屢發。窺舞鳥能來。傾國元因色。勞民豈但財。地隨胡運改。棟與美人摧。殷監良非遠。秦宮亦可哀。聖朝畱故蹟。皇覽實休哉。

贈胡開府

平戎今代推司馬。屢奏飛書達漢家。雪後三軍蒙挾纜。月明千里聽吹笳。周瑜旌節屯江左。王濬樓船出海涯。聞道西湖罷歌舞。春來依舊見繁華。

寄劉諫議畿

經年尺素未曾題。長夏郊居懶自宜。北鹵塵飛榆塞日。西

京。灰。滿。栢。梁。時。中。朝。望。屬。陽。司。諫。左。掖。吟。憐。杜。拾。遺。定。有。封。章。回。聖。主。莫。須。焚。草。避。人。知。得贈人以言之旨

送滄浦之南都

憐君避難頻爲客。非是干時謁貴公。百畝已荒吳苑上。全家猶寄冶城中。鶯啼驛路關春意。帆落津亭候曉風。年少相看頭易白。無言江夏是黃童。

對月答子浚見懷諸弟之作

南北何如漢二京。迢迢吳越兩鄉情。謝家樓上清秋月。分作關山幾處明。

附錄

皇甫湜 十八首

湜字子安。汴州浚縣人。兄也。少有文名。舉嘉靖壬辰進士。授工部主事。歷儀制員外郎。主客郎中。在儀制時。夏言爲尙書。請建儲表。凡十上。皆子安起艸。故深知其才。比簡宮僚。言首推子安。遂補右春坊司直。兼翰林檢討。言者論子安。改官有私。謫廣平通判。量移南京刑部主事。進員外郎。遷浙江按察僉事。甫三月。大計以南曹事論罷。邑邑發疾。卒年四十九。子安深靜寡言。自負高峻。居官砥廉隅。然頗操切。多忤物。故宦屢躓。不達。所著有少元集二十六卷。又有續高士傳。皇甫子循曰。仲兄詩錯綜魏晉。而託宿於唐。英特工五言。而七言近體薄。不經想。

王元美曰子安如露盤玉屑清雅絕人
錢仲思曰余少以父執侍司直兄弟聞其論五言詩
以猿啼洞庭樹人在木蘭舟爲妙境自七子之派盛
行知此者鮮矣

朱錫鬯曰子安逸藻風飛清文綺合視子循工力悉
敵銖兩未分宜子浚之難爲兄而子約之難爲弟也
汪端論曰子安詩蕭疎古澹謾謾如松下風才氣少
遜子循而格韻固未多讓若子浚子約詩摹古不化
遠出兄弟之下茲集故不入選

發郡城之天台道中述所見寄諸友人

夕夢會城阿曉行滄波上縈溪復含流連岑時隱嶂風湍
信千轉雲峰非一狀錦纈紛迎翫氛氳忽彌望蘭泉芬可
掬苔壁險難傍思偕同心侶攜手追禽向

自溪口歸

朝來醉別酒溪上孤舟還遙村轉江路落日迷松關平波
望煙樹百里蒼茫間坐愛邱中事春雲畱碧山

茅山

杳靄登春山嵯峨入雲嶺徵奇不覺遠發興日初永石叢
孤亭秀花覆仙竈冷長揖山阿人坐使塵慮屏

將命巡軺徙倚署閣

彌辰倦紛躋徂春悵無樂庶以散予襟獨此稽山閣霞蔚
見層巒花深隱羣壑本自滄海人悔吝滋縻爵旋里東江

輶。徘徊眷林薄。俄頃惻幽衷。遇物悲離索。且憑浮雲征。聊
希至人託。

秋日雜詩

涼風吹嘉樹。萬物遺光澤。嚴氣乘運流。華月歸如客。凝霜
無停豔。違寒有來翮。歎彼往化駛。感此淪歲迫。修慮時多
懷。滯念誰與釋。固窮見天道。委順自夷懌。齊物游恬漠。高
翔出形役。

西湖歌寄方思道

西湖窈窕三十里。柳絲含煙拂湖水。青山蕩漾春風來。蘇
公堤邊花正開。玉缸春酒映江碧。幾醉江邊柳花白。城頭
日出照高樓。銀箏翠管喧行舟。吳姬如花捲綃幕。山水倒

入金屏流。朝來復脫千金駿。更有牀頭紫綺裘。人生行樂
莫顧惜。落日松風吹古邱。我憶京華舊游地。漁浦東看動
愁思。醉裏空歌鏡湖月。夢中尙識孤山寺。信安使君還夢
溪。應對花卮惜解攜。白沙翠竹無人問。湖上孤吟聞馬嘶。
道麗跌宕入
嘉州之室

雪山歌寄彭太保

雪山嵯峨控西極。寒井陰光混開闕。千秋烏道無陽春。北
風慘淡吹峨岷。羽書宵過褒斜道。火入靈關徹昏曉。愁雲
百里填城河。帳中銀燭然盤陀。將軍狐裘細馬馱。彈箏伐
鼓金叵羅。指麾羽扇白玉珂。背河一戰收蓬婆。銘功刻石
報天子。麒麟閣上事已多。憶昔中原全盛日。八方無虞醴

泉出龍舉空悲劍。易藏海南漠北俱蕭瑟。君王垂衣念西
土。錢塘老子不足數。彭公大梁佇獻捷。已見彤弓出天府。
持節心知主恩重。入關更識王臣苦。文武吉甫非公誰。臨
洮健兒勇如虎。驥子朝披玉壘雲。魚文夜溼金堤雨。闕中
一月見節制。烹羊宰牛酌清醕。狼籍衣冠頌破竹。馬前父
老稱安堵。園陵佳氣春氤氳。錦官城中日鼓舞。當時匹馬
更朝天。又逐輕車過酒泉。勲名豈數七十戰。邊卒至今高
枕眠。歸來謁帝承明殿。世事那知一朝變。功成下吏古所
悲。浮雲蔽日今會見。天下驚聞柏梁火。匣內空留尚方劍。
壯士長歌梁父吟。孤臣獨泣瑤池宴。蓮峰落月照黃河。榆
谷飛塵暗蘭縣。武穆祠西秀水流。一望江山淚如霰。沈確
士云

功臣下吏今古同悲改弦
變調如宮聲之換羽也

靈峰

靈峰望縹緲。疑是接會城。梯繞丹霞入。人攀碧樹行。洞門
山日落。石室海雲生。何事吟招隱。空令後夜驚。

早秋楊村旅次懷伯氏季氏

滿川風露急。涼度海門初。薊葉先秋下。江星永夜疎。客心
憑北極。鄉路憶南徐。塞雁何時至。平原有素書。

宴流杯亭送歐陽大參赴蜀

流杯亭上酌。修竹亂溪紋。暝樹煙常合。春山雨不分。別情
依去鳥。客路入重雲。懷舊仍傷遠。勞歌夜獨聞。

由桐柏嶺趨孺臺游眺

桐觀臨雲壑。遙從此路迴。石門藹天闕。借問幾時開。鶴羽下清漢。仙蹤空碧苔。山人仍自去。日暮嶺猿哀。

致道觀溪口

宿處玄林靜。鐘聲清夜初。星河山嶠滿。雲霧洞門虛。竹下邀中散。松前問隱居。溪陰是天路。獨往意何如。

春朝對雨懷省中舊游

山城看雨色。畫省憶蘭芳。春日京華遠。江天離思長。疎花開獨樹。新水亂寒塘。游子今何去。聞鶯祇自傷。

靈巖溪口招范子不至

倚棹待幽客。蕭蕭風滿林。遙知雲盡處。猶隔洞門陰。岸靜渚花落。溪閑山鳥吟。真成獨往趣。自入武林深。

自一雲至天平登白雲泉亭晚興

鐘聲緬迴策。秀色餘西岑。微徑不知處。白雲長自深。松堂散花雨。溪牖搖峰陰。獨夜泉亭月。寥寥期此心。常建劉春虛之間

舟夜

帆飛川路永。煙霧杳空冥。蓼積寒江渚。楓凋古驛亭。日沉昏灑影。雲起亂峰形。入夜看牛斗。安知有客星。

自遂河登舟雜興

斂衽辭闕路。徙樂望川涯。水練開煙素。苔衣結浦華。雲行低合柳。江淺細澄沙。何必窮源使。言乘銀漢槎。刻琢

淮陽

海畔淮陽郡。風煙奈此何。客心自容與。湖上幾經過。驛岸

丹楓少。人家綠樹多。雲帆朝見市。津火夜聞歌。城郭連鴻雁。江山映綺羅。寒朝正相待。歸興滿滄波。

吳鼎芳 三十二首

鼎芳字凝父。吳縣人。世居西洞庭山。性耿介。不事干謁。與范洎最契。爲詩蕭閒簡遠。有出塵之致。中歲有悟。遂棄家爲僧。名大香。居烏程之霞幕山。有披襟唱和集。

韓子遵曰。東生茗產而僑寓吳門。凝父吳人而棲禪茗上。東生好浮大白。高談雄辯。凝父恬澹寡言。其蹤跡雖殊。而論詩相若。

虞山曰。凝父與葛震甫稱詩於兩洞庭。皆能被除俗

調。自豎眉目。震甫晚年自信不篤。頗折入於鍾譚。而凝父亭亭落落。迥然塵垢之外。震甫自負才大。以爲入佛入魔。無所不可。竟不免墮修羅藕絲中。凝父修聲聞辟支果。雖復根器小劣。後五百年。終不落野狐外道也。

靈峰山房夜起

寥寥青蓮宇。出步夜方永。蟬鳴四山秋。鹿飲一潭靜。圓月當碧空。孤墻立無影。花落樹猶香。竹深澗亦冷。煙光散如水。明星上高嶺。

齋雨

細雨散清曉。坐深移午時。開簾東風入。香動梅花枝。獨酌

亦成醉不然無所爲

柳浪溪

山青秋雨後人坐秋風裏平沙下鷗鷺簌簌動蘆葦夜半
明月光漁舟弄空水

釣魚灣

家住此灣中不出此灣裏長日坐魚磯閒心澹無已白雲
起前山悠悠亦來此搔首對斜陽綸竿久不理

虎山庵答蔣十

偶坐已夕照徘徊夜復深西岑見新月墮露聞松林覺有
幽人來隔窗動微吟

嚴明甫園中

爲園剛一畝生事已云足日午聞雞聲炊煙起茆屋石色
秀可飡林香暖盈掬相見無寒暄惟言酒新漉

宿江上

山色下空江江光動解艇霜楓紅不盡已入莫秋景來雁
忽有聲歸雲漸無影醉臥蘆花中月高夢魂冷

寺夜

林坳動蕭瑟橡葉走簷際柴門夜忘關山風自開閉邑邑
如有懷遙遙轉無寐佛燈清可依城柝冷相遞斜月光近
牀嚴霜白滿地作者五言孤清自喜於
郊寒鳥瘦外別樹一幟

天台山中

白雲伴衾宿開戶雲飛去出戶尋白雲蒼厓溼芒屨峰頭

異域僧。洞口先朝樹。澗水帶餘花。流來不知處。

歸湖上

西風吹箬笠。無恙舊江天。白鳥飛破水。青山移近船。晚晴楓葉外。秋冷荻花邊。泊處堪遙指。柴門生野煙。

飯石峰晚步

白鳥不飛處。雲光和水凝。自吟松下路。遙見寺中燈。夕爽山無雨。春寒澗有冰。隔花相問訊。月照荷鋤僧。有山泉極品之味

寄趙凡夫

十里寒山路。香風正采茶。偶隨樵客去。一到隱君家。細雨生清月。閒心托片霞。別來湖水澗。秋色上蘋花。清氣襲人

汎石湖同篠園居士

放棹秋光遠。殘陽湖水西。樹圍漁戶小。山截寺門低。野渡一僧立。汀花數鳥啼。且沽橋外酒。同宿越來溪。

沈端伯陸仲飛攜酒過碧雲庵

秋色前山好。雙扉盡日開。臥雲禪侶寂。看竹酒人來。空響生黃葉。清陰覆碧苔。城中同是月。不及此遲回。

西湖夜汎

疎雨洗空翠。來看湖上山。斷橋芳草外。小艇白鷗間。月在美人遠。春忙流水閑。西陵猶喚酒。燈影出花關。天然澹秀

夜到漁家

漁家近秋水。水上槿扉開。地寂月初到。溪寒潮不來。村沽惟白杜。野坐只青苔。為說芙蓉好。明朝未可回。

明三下家詩選一集卷五下

雪中過彌勒寺

雪中尋寺遠。先得一僧逢。無數梅花裏。亭亭出古松。溼煙穿破壁。野水寂寒春。不待前山去。風林報晚鐘。

西湖曉起

殘鐘湖上月。杳杳落層岑。曉色散爲水。秋聲聚作林。閒來曾不慣。幽處每相尋。叢桂南山下。晴香一逕深。

和靖祠前晚坐

山翠出林杪。祠前芳杜洲。孤煙生後暝。雙鳥去邊秋。燈影參差水。歌聲遠近舟。梅花無復主。曾有暗香浮。

秋夜同朱十四懷令弟十六

秋色帶檐楹。空山薜荔情。爲歡翻憶別。因弟轉憐兄。雨葉

晴猶溼。霜階水共明。經年書一紙。曾到石頭城。

破山寺

巉岫隨石轉。迤邐踏花行。古壁龍蛇氣。空巖風雨聲。佛香清渡水。鳥路白過城。絕頂遙觀海。蒼茫曉霧生。

夜宿三山寺望茗上懷吳允兆

只此堪乘興。秋風一放船。天清皆在水。樹冷不生煙。靜後轉忘寐。望窮殊可憐。書來同所願。池內有青蓮。

寄懷王元直

月照蘋花冷。秦淮蕩酒船。還家同一日。爲別易三年。海樹含青雨。江鴻帶白煙。西風又飄泊。衰草自生憐。

柴門

柴門涼氣入。風動白綸巾。秋色孤雲外。斜光映水濱。貧惟
甘薄命。病亦任閒身。累月尊中禁。還來載酒人。

雨渡橫涇懷孫惟化

東風作冷石湖船。節屆清明倍可憐。一日客程偏遇雨。幾
家茆屋不生煙。野田水綠迷楊柳。古廟花深出杜鵑。寂寞
橫塘人去後。吳姬歌舞自年年。

輓黃伯傳

清霜忽入百花洲。衰草殘陽送白頭。咫尺有家歸不得。一
杯無土葬何由。飄零舊酒南湖月。檢點來書下驛秋。多謝
春風江國燕。相逢猶是話窮愁。

柳陳父墓

古道盤迴向遠岑。荒墳悽楚帶長林。浮雲已斷還家夢。衰
草空餘住世心。海色隔城邀暮晷。江聲挾雨送秋陰。青蓮
後事何堪問。幾處騷壇淚滿襟。

哭吳健父

寒日沉沉下遠邨。空堂寂寂閉黃昏。文章命薄誰知己。山
水情多卽故園。一壑荒煙收病骨。三更冷雨送愁魂。傷心
莫問王孫草。幾日春風綠燒痕。淒絕

宿虎跑寺

溼煙鬱結亂山橫。敲斷鐘聲火自明。野寺冰霜經晚歲。石
林風雨坐殘更。十年一夢浮雲冷。四海孤身落葉輕。願得
皈依清淨海。蓮花香裏證無生。詩思高寒所以皈依

松下

松根酒一餅。月下人獨坐。月落酒餅空。自枕松根臥。天籟

月夜

昨夜因看月。清光動旅思。今宵宜早睡。莫待月明時。

寄情

殘山如黛。月痕斜。子夜青鞵踏淺沙。十里紅橋東畔。路梅花多處。是君家。

范 泐 十五首

泐字東生。烏程人。幼警敏。博學善談論。嶽嶽不爲人。下數困長吏。盡破其家。徙居吳門。鑿池種竹。攻苦讀書。爲詩不趨時好。宗法唐人。引洞庭吳鼎芳爲同調。

貧甚。出游閩滇。無所遇。而歸輯全唐詩千餘卷。未竟。病卒。年四十四。鼎芳手定其詩四卷爲之序。

吳凝父曰。東生苦吟。收視反聽。馳情結思。不傍古不緣今。一字未安。寸心幾嘔。蓋神於法者。

朱錫鬯曰。東生詩才嫻雅。如靈犀結佩。可以辟塵方之孟陽。允兆諸君。覺尤騰拔。

虞山曰。東生與吳凝父刻意宗唐。清詞麗句。苦吟精思。務盡刊甘。醜肥厚。獻酬傭僱之詞。視餘子蔑如也。自王李之派盛行。海內幾於糜爛。相去四十年。而能始興。公起閩孟陽。起休寧。東生起茗凝。父起吳希風。抗志在大曆元和之間。清新安雅。彬彬相命。進而之。

古有其端矣。鍾譚崛起，鬼怪公行，滔滔江河流而不返，識者有深恫焉。

汪端論曰：凝父東生詩，思清迥如朗玉，孤桐自中天，律上法王孟韋柳，下亦不失爲南宋。四靈虞山錄明季山人詩于石漉仲吳允兆吳非熊輩，稱譽多過其實，惟二君無愧色焉。

琴川夜泊懷孫齊之

野宿次鳧鷖，青青荻筍齊。潮痕隨月落，山勢壓城低。殘夢風前杳，歸心曙後雞。還知高隱處，只隔水東西。

贈楊孝父

清時有隱者，自汲還自耘。翳然茅屋上，一片堯時雲。

曉發

春水動微茫，帆前卽異鄉。雞聲殘月墮，人語隔寒塘。

響屨廊

越豔跡如掃，年年燒痕綠。歸僧踏嶺雲，枯葉聲相觸。穠豔題作

枯寂語更見超悟

游弁山

一峰際蒼蒼，遐矚了無礙。湖色上人顏，崖陰落鳥背。

送彥平游嶺南

九月羅浮道，無衣亦不寒。奇峰三十二，直作夏雲看。

松陵舟中遲友人

幾家閑夜停機杼，支枕篷窗風許許。吹盡蘋香不見人，繞

塘寒月鷓語幽秀

荆溪

亂水聲中繫艇斜。月寒沽酒扣誰家。仙源咫尺不知處。紅葉吹來如落花。筆下亦有仙氣

遇俞獻父

與汝垂髫共里閭。別來不省六年餘。情知一見又成別。猶勝逢人數寄書。

泖上送吳凝父

林臯葉脫風淒淒。遠峰林立寒雲齊。滿船離思半江月。未到五更雞亂啼。

暮春閒居

舍南舍北雨聲催。欸欸閑鷗逐隊來。欲買魚蝦喚江艇。棟花臨水葦門開。

滇中詞

鴛鴦浦綠水如苔。鏡裏人家向背開。五月爨僮剗雪去。三冬棘女擔花來。奇峭 國朝詩中 徐芬若往往有此

峴山晚歸

近嶂遠空同蔚藍。畫船不繫酒微酣。疎疎燈影出林際。隱隱人聲在水南。

春日訊吳允兆

遠樹微波黯不分。闔閭城畔寄孤雲。春來儘有還鄉夢。除却青山便是君。

板橋曲

板橋斷後無復春。蒲荒柳禿波粼粼。依稀一片昔時月。來照鴛鴦不照人。

明三十家詩選二集卷六上

錢塘 汪端 允莊輯

高叔嗣 四十首

叔嗣字子業祥符人年十六作申請賦幾萬言由是知名十八領鄉薦舉嘉靖癸未進士授工部主事改吏部歷稽勳郎中性孤淡屢忤時宰意出爲山西左叅政斷疑獄十二事人稱爲神遷湖廣按察使卒於官年三十七所著有蘇門集八卷

王元美日子業如高山鼓琴沉思忽往木葉盡脫石氣自青又如衛洗馬言愁憔悴篤令人心折又曰子業空谷之幽蘭崇庭之鼎彝也又曰刻羽雕葉舍

陳而新吾推子業然不能諱其促

胡元瑞曰子業視李何後出而其五言之工不欲作今人一字在唐不減張曲江韋蘇州矣又曰弘正五言律如薛君采之溫雅高子業之精深置之唐人毫無媿色然二君俱不能爲七言律高蓋氣局所限薛由工力未加

黃清甫曰高詩綽有意見不假緣飾吐言成章誦之若落落直致而中自豐腴

陳臥子曰子業沉婉雋永多獨至之言讀之如食諫果味不驟得又曰子業詞存清曠意成淒楚

李舒章曰子業如疎林清磬聽者振衣

朱錫鬯曰嘉靖初後生英俊稍稍厭棄李何子業以吏部郎謝病歸時空同居開封辭必摹古子業自序讀書園稿謂本非所長而強力摹之度必取謫於衆其立意固殊讀其詩如食袁家梨止渴雖爽而不伐性如以水精盃進酒雖薄亦能醉人李中麓六十子詩有云蘇門能入室何李只升堂其傾倒如此

汪端論曰正嘉以後詩家言志贈答之作大略叫喚矜厲黃金白雪吾輩中原至今爲人口寔獨子業多憂生見道之言清而不弱質而能妍婉惻悲涼恬吟密詠可謂中立不倚者矣王漁洋論詩絕句云中州何李並登壇宏治文流競比肩詎識蘇門高吏部嘯

臺鸞鳳獨適然洵不爲虛美也

再調考功作

引疾三上書微願不克諧。徒官復在茲。心迹一何乖。軒裳日待旦。閭闔凌雲排。入屬金馬籍。出與羣龍偕。積賤詎有基。履榮誠無階。但惜平生節。逾久浸沉埋。既妨來者途。誰明去矣懷。鳥迷思故林。水落存舊涯。惟當尋素業。歸臥守荆柴。沈確士云。謹微葆真不躁。進不妨賢卓然。想其風槩。

歲暮作

旦夕茲歲改。蕭條旅思多。雲物媚晴宇。氣候屬妍和。崢嶸新陽至。故景實蹉跎。感時豈不懷。二紀倏焉過。棲身慚擇木。望道歎伐柯。如匏吾自繫。匪玉孰爲磨。有髮日就長。心短獨如何。但云畢夙志。唯力豈知他。

古歌

荆和當路泣。良璞爲誰明。茫然大楚國。白日失兼城。燕石十襲重。魚目一笑輕。古來共感歎。今予益吞聲。

病起偶題

空坐晨起坐。懽遊罷不適。微雨東方來。陰靄倏終夕。久臥不知春。茫然怨行役。故園芳草色。惆悵今如積。寄託幽遠

簡袁永之獄中

本同江海人。俱爲軒冕誤。子抱无妄憂。余有多言懼。昔來始青陽。今此已白露。豈乏速進階。苟得非余慕。罪至欲何言。直以愚慵故。衆女競中閨。獨退反成怒。追誦古時人。蒙

宛誰能愬。皇心肯照微。與子齊歸路。

衆女二語會得一部離騷宗旨

送別永之

憐君方遷戍。况我嬰愁疾。一別若流雲。相從竟何日。平生託交游。弱冠弄篇帙。書願藏名山。功期銘石室。安知事不就。跌宕情如一。已矣復誰陳。今亦返蓬華。

元日同谷子延賦

雄都盛賓客。車馬爭馳騫。芳辰啟初年。宴飲多所務。不知灌園身。何爲迷方誤。郊館抗空壑。山屏啟峻路。良朋生平歡。就我今朝步。城因並舍登。徑爲穿林度。微陰原上明。片日雲中露。青霞照深池。白雪停幽樹。共貪歲欲新。不厭日旋暮。農田方在茲。君豈數能顧。

敘懷

生長夷門郭。往來莘野路。家貧無良謀。躬耕有遠慕。始窮百王略。遂覺生民故。曰余本空疎。當年恣高步。慶彼鳴鶴期。忝此飛龍顧。亦知敵帚材。早享千金誤。日月不我留。撫心慙往素。

移樹道上

春園就蕪穢。雜樹生蒙密。不知雨露功。長養何多術。婆娑使人憐。斬伐終余恤。乘時聊徙植。于以託吾室。交生兩相當。列映直如一。轉令門巷新。遂放雞豚出。修修原上風。團團村邊日。紛吾本蹇劣。兼爾抱憂疾。敢學成都桑。而謀荆州橘。願及垂陰成。初志儻此畢。

生趣盎然物我一體似此懷抱何讓陶公

荅谷司僕見問

幸自返中園。非關逃微祿。方因疾病餘。黽勉供樵牧。春至東郊田。夏來北林木。時從遠原上。日縱平郊目。野老逢與言。道書閑能讀。何為共世人。無事相追逐。勞君問出處。日暮拵茅屋。結二語與右丞君問窮通理漁歌入浦深同妙

與客集和氏園

惟君游每接。自余居多暇。留連上客筵。款曲中園駕。賦詩芳草側。舉爵茂陰下。放心安知憂。攜手不能罷。日氣澹將夕。雲影垂方夏。為農信可懽。世自薄躬稼。

敘懷

伊昔迨弱冠。奮足參賢豪。衣褐出下國。脫輓造中朝。聖朝

開九五。河清在一朝。升龍假元淵。鳴鳳託芳條。五從宰府辟。連荷公叔招。名過有瑕類。道在無矜驕。猶全不肖軀。解冕未逍遙。沈確士云說理不腐善學大謝

曉出前林

理櫛聽鳴禽。舉帷望朝旭。快然登前林。煙芳紛滿囑。春晴帶餘陰。夜雨生新綠。道勝絕紛華。情愜關幽獨。在天羨白雲。凌風慕黃鵠。賞心久已違。感此勞中曲。

酬左舜齊林中冬夕見寄

霜葉落漸空。暝鳥飛俱罷。出門歲已闌。倚樹人方暇。映月眺煙郊。了了見茅舍。下有飯牛朋。商歌滿初夜。攜手自京都。歸心乃疇昔。豈不戀明恩。久持金門戟。今日

明三才詩選二集卷六十一
五
故園身殘歲空堂夕含情亦何言塵耒挂東壁妙在淡然不著痕跡

初去都夜

泛舟當日落解佩及春歸病比相如是情方叔夜非暖雲
蒸海氣殘月吐洲暉今夕孤懷客誰云伴少微清鍊

安肅縣寺病居漢陽董元亮見過時奉使還闕

門前易水路下馬漢陽人野寺天晴雪他鄉日暮春相逢
一尊酒久別滿衣塵不憚王程急應憐伏枕身

寓居慈仁寺遊覽

終日仙宮揜青松繞殿遮到來長春草行坐落天花閣上
王城盡門前官路斜微身隨處是何敢嘆無家

毗盧閣同伍疇中諸公西望

客來常一上對此西山平向夕簷楹立憑空閣道行楊花
飛暮野雨色動春城却戀同攜手都忘羈旅情

與鄒生游香山宿僧房

遽愁春草歇驅馬春山中夜宿禪關下時將心賞同風生
近谷滿月照前湖空終媿淵明輩元言對遠公

春夕同李考功道舊

下馬春庭夕明燈夜雨深人多新歲感日有故園心磨滅
名題柱淒涼賦賣金十年同省舊誰念各如今

賦得嶧山碑送李明府

秦皇千載後嶧嶺尚遺碑斷石青山路孤城滄海湄蕭條
餘霸氣磨滅想雄辭君到鳴琴暇應多弔古思

雨後有懷子延

驟雨新秋晚。微晴墟落間。悠然抱藜杖。率爾倚柴關。空壑纔容水。流雲故滿山。遙知城市裏。應羨此身閑。

送別蕭司勳

柴門夜語罷。惆悵出前林。曉日孤村映。秋風落木深。別來生白髮。歸去換愁心。還復茅簷下。朝朝鳥雀吟。

西園再酬子延

茅屋還相見。冬郊那可聞。荒城連凍浦。落照與寒雲。遠樹行時倚。歸途到處分。留君終日語。猶自日思君。

分水嶺晚行

客興日無奈。兵荒歲屢加。少年曾許國。多難更移家。遠水

通春騎。孤城起暮笳。憑高一回首。何處是京華。

由關子嶺發兵入縣上

儒衣曾事主。羽檄且徵軍。敢奮一朝畫。而邀百戰勲。深山連古木。落日斷黃雲。愁思荒村夕。誅求不忍聞。

寒食定興雪中

二月鶯花少。千家雨雪霏。可憐值寒食。猶未換春衣。積水生空霧。高城背落暉。忍看楊柳色。從此去王畿。

晚趨忻口

雲峰聊極目。立馬獨愁心。豈直關山遠。其如雨雪深。笳聲先入夜。邊氣迴生陰。疇昔長征意。蹉跎力不禁。

沁州張源鋪

去國三年意。還家此日心。天寒客路永。日暮衆山深。沙塞人偏老。風霜馬不禁。如何更萬里。投跡楚江陰。

許州城南道行酬左君舜齊招隱之句

微陽稍晴曙。新雨被山川。芳樹交生道。春流灌注田。耦耕本夙志。驅役乃茲牽。未覺江湖遠。投身竊自憐。

呂潭境

連山望不極。況復楚雲長。萬樹含春色。孤村帶夕陽。解鞍當古戍。投袂及空堂。去國日方遠。懷君意敢忘。

九月十日晚登城樓同川甫

暝色起郊關。層城烟霧間。千家響砧杵。四顧滿雲山。片月增愁思。涼風減病顏。登高情未已。還共此追攀。

得張子家書

晚日照餘晴。荒亭暗復明。歸雲度深樹。飛雨過高城。蹇劣慚當代。棲遲笑此生。空持一書札。懷袖故人情。

井陘道中

曉霜塗屋重。寒日出林微。改轍辭邊徼。登車望帝畿。深山藏驛道。巨壑斷村扉。欲問前征侶。迷津何處歸。

送別德兆武選放歸

燕郊秋已甚。木葉亂紛紛。失路還爲客。他鄉獨送君。罷歸時共惜。棄置古常聞。莫作空山臥。令人望白雲。

秋日寄友

空林一葉落。茅屋幾家秋。對酒涼風至。開簾古樹幽。相看

明三才詩選二集卷五十一
八
還自笑。欲去爲誰留。正此夷門下。休猜是姓侯。

中秋同栗夢吉飲

罷酒俱不樂。開簾望北軒。寒星出戶少。秋露墮衣繁。散步憐新詠。平居想故園。空庭今夜月。客思豈堪言。

東原晚望答李鴻漸

東原晚望草煙齊。久臥無心出路迷。閒立秋風看木落。獨行斜日聽烏啼。一官已謝於陵後。百畝纔開莘野西。此地故交應念我。逢人昨有數行題。

至蘇門山

空山暑氣少。臨水夏雲多。照影人將老。愁心在夕波。

附錄

薛蕙七首

蕙字君采亳州人。正德甲戌進士。授刑部主事。諫武宗南巡。受杖奪俸。旋引疾歸。起故官。改吏部。歷考功郎中。嘉靖初。大禮議起。君采援據經傳。撰爲人後解。爲人後辨。及辨張璁桂萼所論七事。合數萬言。上於朝。帝怒。逮下詔獄。尋得賞復職。給事中陳洸補外中。道上書議禮。得召見。盡擊異議者。時亳州知州顏木坐罪。洸誣君采與木同年。相關通疑。有奸利。詔解任。聽勘。君采遂南歸。旣而事白。屢薦不出。十八年。詔選宮僚。擬以春坊司直召用。帝猶以前憾。故報罷。尋卒。年五十三。君采持已峻潔。晚歲屏居西原。著書樂道。

人稱西原先生有西原集十卷又有日錄老子集解
唐應德曰薛詩從瞿老書來得虛靜語

顧玄言曰考功詩譬之馬飾金鞮連翩躩蹠穩步康
莊了無跼蹐之跡

黃清甫曰君采吐辭秀潤布意密緻而調合作者名
篇實多其詠懷則取法於嗣宗雜詩則準的於景陽
游仙則規摹於景純雖不逼似庶幾太康之音

汪端論曰君采詩專工擬議莊雅不佻微嫌蹊徑太
甚未足與迪功子業分道揚鑣歷來選家推崇過當
今以列諸附庸似非屈抑至其大禮諸議正而近迂
可行於士庶而不可加於萬乘意議又出楊介夫諸

人下觸永陵之怒宜哉

效阮公詠懷

飄風振玄幕。若木零朱華。六龍匿西山。濛汜揚其波。翩翩
市中子。於心太回衷。不見憔悴色。但聞慷慨歌。卑危誠未
遠。禍亂豈在多人。人恤其私安。能尙顧他已矣。勿重陳嗟
子可奈何。

生才良不幸。處世誠獨難。揚蛾興妬階。懷璧賈罪端。靈均
既見放。韓非亦自殘。奉身失所從。慷慨使我歎。

日暮

日暮坐東軒。悵望西山曲。白雲藹藹至。雨我窗前竹。茲晨
憚隆暑。披衣廢朝沐。徙倚乘夕涼。清風散炎燠。大象幹流

行。變化一何速。日新諒無取。年長止多辱。古人善補過。嗟爾當自勗。

雜詩

富貴使心惑。嗜欲致行妨。宴安損性靈。美疾生膏肓。吾觀古來士。高躅互相望。首路或暫同。中道多蒼黃。班生嗣前烈。馬融遁遠方。藉梁奄為累。附竇終自戕。通人識尚爾。咄咄可悲傷。沈確士云文人末路汙行戕生皆富貴之念中門者

月夜坐憶

明月三五時。流光千里外。虛館風泠泠。寒暉霜靄靄。不見南樓客。徒憶西園蓋。懽酒無盈觴。憂襟有餘帶。沉吟靜夜

思。緬邈佳人會。陳臥子云俊雅

昭王臺

燕昭無故國。薊野有空臺。寂寞黃金氣。淒涼滄海隈。儒生終報主。亂世始憐才。回首征塗上。年年此地來。第六語沉痛

草堂

蕭蕭寒雨對高秋。寂寂空牀擁敝裘。歸去鈞天頻有夢。挽回滄海獨無謀。平生頗詫任公子。末路方思馬少游。珍重故人招隱意。草堂南郭可淹留。

華察十四首

察字子潛號鴻山無錫人嘉靖丙戌進士選庶吉士與陸粲袁表屠應竣同館並有才名柄政者嫉之改

戶部主事歷兵部郎中再改翰林修撰遷侍讀學士
掌南院罷歸里居與施漸王懋明姚咨相唱和人稱
錫山四友有巖居稿八卷

王元美曰學士詩如磐石疎林清溪短棹雖在秋冬
之際不廢楓橘

龔明治曰韓子云和平之音淡薄愁思之音窈渺鴻
山操和平之音而得窈渺之趣可謂兼才

蔣仲舒曰學士刊洗浮靡獨秀本色誠陶韋之妙境
也惜才具稍乏短於七言

陳臥子曰子潛清儉似茆茨下人

李舒章曰子潛如坐禪空山微聞鐘磬

汪端論曰子潛詩風懷澄澹自是韋柳門庭中人惜
神味差薄變化亦少譬如瑠璃水精表裏瑩淨温潤
之色終遜琳琅也

晚至湖上

山中讀書罷。來憇澄湖濱。綠陰暗溪路。草堂靜無塵。平生
滄洲意。煙波夢垂綸。石梁度落景。花渚藏餘春。閑情狎魚
鳥。悠然適吾真。雲天澹晴霽。空水明衣巾。未遂乘桴願。徒
懷江海人。

游善卷碧仙崑

落日下空門。齋鐘出林莽。偶茲叩精廬。再宿翠微上。舊游
不知處。但見松杉長。崑虛露氣清。坐覺心魂爽。月白山窗

高夜靜風泉響。遂令寤寐中。超然脫塵網。雲壑永棲遲。願
言稅歸鞅。

寄蔣子雲

我家大江南。君家大江北。平生弄篇章。白首不相識。曩聞
大雅音。因窺作者闕。一從罷官歸。壟上親稼穡。口誦南華
經。意象欣自得。有時江月來。照見天地色。神交入夢寐。道
遠安可卽。雁去爲寄書。殷勤問眠食。

和僅初移家湖上之作

城邑豈不美。生事在田廬。移家就所安。正當長夏初。壟上
刈舊麥。園中灌新蔬。寧卹四體勤。將期方寸舒。入門謝鄰
里。幸託仁者居。湖光近林牖。水月澹清虛。因適魚鳥性。遂
於塵跡疎。開軒聊種竹。閉戶兼著書。豈羨衣食饒。但喜歲
月儲。達人能固窮。朝夕恒宴如。願言日相過。多聞時起予。

秋日觀稼樓曉望

日出天氣清。山中悵幽獨。登高一眺望。風物淒以肅。流水
暎郊扉。炊烟散林屋。秋原一何曠。薄陰翳叢竹。時聞烏雀
喧。因念禾黍熟。悠悠沮溺心。千載猶在目。

五月望夜與諸君山中再酌

仲夏苦晝永。薰風起將夕。圓景海上來。照此山中客。坐令
微暑消。兼使衆累釋。興至時命觴。露下復移席。因耽水竹
居。遂同魚鳥跡。盤迹豈忘返。翫物聊取適。臺空人影疎。夜
靜潭氣白。參差樹杪峰。歷歷辨咫尺。超然悟真境。萬物一

虛寂。澹然無塵

過烟水莊

垂楊蔭平田。湖畔多菑畬。茫茫烟水中。結菴成隱居。閉門
閉白日。密竹臨清渠。行隨溪上雲。倦枕牀頭書。客至時命
酒。興來兼捕魚。願言託幽跡。卒歲同樵蔬。

秋夜送戶部家叔登黃阜

離亭對衰柳。落日送行客。秋聲在孤嶼。興來恣探陟。臺殿
澄夕陰。明燈照禪室。夜靜山月高。潭虛映空色。水鏡清道
心。超然垢氛滌。浮雲亦何意。聚散隨所適。風葉逐歸篷。霜
空起寒笛。起結超妙

惠山寺與子羽話別

看山不覺暝。月出禪林幽。夜靜見空色。身閑忘去留。疎鐘
隔雲度。殘葉映泉流。此地欲為別。諸天生暮愁。

夜宿田舍

郊居觀穫罷。暝色滿荆扉。歲事山田薄。人家菴屋稀。荒原
寒照斂。獨樹暮禽歸。夜靜然燈坐。疎窗黃葉飛。

重過任大理別墅

溪南讀書處。秋晚數經過。寒照隱城樹。蒼烟深壁蘿。窗明
山翠近。地靜葉聲多。叢桂空崑暮。徒懷招隱歌。

呂禹城見過

直道多見黜。故人俱罷官。偶來棲隱處。一盡平生歡。日暮
鳥飛疾。雪晴山氣寒。相過寧厭數。歲晚論交難。

夜訪金秀才

獨夜山陰客。停橈江月斜。溪深聞犬吠。葉盡見人家。荒徑存生事。寒燈映髻華。坐看霜氣白。宿雁滿平沙。

答李仁甫寄點蒼山石

故人消息阻河關。萬里題緘淚欲潛。雲寄遠心將片石。月隨清夢到蒼山。詩成却笑窮逾拙。身退猶憐老未閑。悵望昆明池草色。春風南雁幾時還。

施漸六首

漸字子羽無錫人。幼從從父之官。平樂紀行詩有云。巴雲青洞庭。郢水寒夢澤。又有千里月。明來楚峽五。更猿斷憶巴城。桃花浪濶三江。水楊柳絲長百尺。樓

之句。邵文莊寶激賞之。及長。以諸生歲貢授海鹽縣丞。尋罷去。歸老蠡川田舍。平生安貧樂志。與華子潛最善。有武陵集。

王元美曰。子羽如寒雅。數點流水孤村。

俞汝成曰。子羽趣味悠深。聲調雅雋。在韋柳錢郎間。晨起行園治蔬。

處痾情方愆。覽籍亦芬結。止跡邱樊間。喜與荷鋤列。晨星沐未遑。周葺幸餘力。夙英始斂華。密露若瑩雪。螽躍感離歌。鴟鳴及幽月。萋萋瓜畔空。厭厭豆畦歇。觀化有消虛。徵情既伸屈。庶幾東陵隱。豈伊公儀哲。永此藿食資。耕鑿藏吾劣。

荅王仲山見訪溪上田居

同歸五湖住。一水見君家。漁父迷初路。居人認落花。禦貧
多種菽。爲圃却宜瓜。共是裘羊侶。往來忘歲華。

揚州道中送李司訓還金陵因赴任河內

初見卽如故。愛君無世情。官惟舊經術。家祇一蓬衡。鄉樹
千重雨。江門幾日程。還過大梁市。試爲訪侯嬴。

春日過長蕩湖野望

不因修禊過春山。誰得澄湖一望閑。頓覺塵心空水上。偶
逢漁父語沙間。幾多沃野桑麻蔽。半是荒畬雁鷺還。日夕
微茫僧問渡。雙峰寂歷掩禪關。

自述寄王駕部

始知蓬藿蔽門深。豈是幽居避物心。舊業盡荒秋雨裏。一
身閑臥碧溪陰。園空三徑人稀到。名在諸生老半侵。幾度
憶君相共語。高山無伴只囊琴。

晚步

楓林搖落後。悵望秋天空。向晚尋歸徑。村村夕照中。於不
著力

處見
高致

歸子慕 十二首

子慕字季思崑山人。震川先生有光少子。幼有俊才。
好讀書。以詩文自喜。不屑屑爲經生言。萬曆辛卯舉
於鄉。再試不第。遂不復上公車。築室崑之江村。名陶
菴。與無錫高忠憲公。攀龍嘉善吳志遠。講性命之學。

年四十四而卒人稱清遠先生崇禎中有詔搜訪遺
逸廣厲風節御史祁公彪佳以季思應詔追贈翰林
待詔有陶菴集四卷

沈山子曰古今效陶而肖者王韋之外不得不推季
思

朱錫鬯曰季思善病再試南宮歸而屏跡鄉里所居
陶菴插槿爲牆縛茆作屋小如蝸殼瓠子養疴其中
迭相往還講學者高存之吳子往主客從容晏坐默
識凝然不語一有所得輒怡悅相告存之稱其有絕
人之慧絕人之識絕人之趣又言季思出諸口者不
漫作無味語筆諸書者不漫作無味辭措諸躬者不

漫作無味事傾倒可云至矣季思雖病猶授生徒友
人勸其輟講報之書云生徒固無累於我豈惟無累
且以爲樂清晝飯餘滄江日落或童或冠油油與偕
共坐槐陰閒談啜茗臨江藉草以觀雲物風帆往來
於目農歌不輟於耳亦可云至樂矣君子謂其樂天
知命焉其詩學陶公而得其神髓誦之令人增陋巷
簞瓢之樂

沈確士曰季思生平與高忠憲公敦道義交詩品亦
略相似所云同心之言也

丙申六月過吳子往荻秋菴

蕭瑟湖上廬。六月如清秋。涼雨過柴門。綠楊風颼颼。水濱

一穉子洋洋何所求。終日無一魚。持竿釣不休。問之向我笑。使我心忘憂。沈確士云澹然無意太羹元酒之遺

歲暮別諸生

惻惻不可道。臨歧但依依。常恐語言多。貌勝中情微。感茲寒色厲。北風吹爾衣。歲暮家室好。各各念爾歸。羣居雖云樂。人情理難違。所患不同心。不患相見稀。尼父重久要。如醴久已非。曷哉儀先民。雅道庶可幾。沈確士云人人胸臆中語便是至情

館城北

妻孥昔居城。我淹江上廬。妻孥來江上。我去城北居。城北何所事。二生喜從余。既愛童子真。且得人事疎。長夏北牕竹。風吹几上書。坐看牆外帆。樹中去徐徐。徐中情苟無繫。觸

物皆有餘。今茲對佳節。秋風秋月初。香稻感我鼻。歸食江

上魚。小女解思父。一見當何如。沈確士云諸詠有物我同得之趣。覺月到天心。風來

水面終是有心作理語

城北初夏

三見草木榮。棲棲猶未旋。偶與城市遠。因就此地偏。獨館背清池。一無俗士牽。晨興讀書罷。日午蛙聲喧。出門見新秧。微綠映遠田。久晴初得雨。穉子亦欣然。田父說歲占。今茲定有年。物情既如此。子樂復何言。

庚子正月吳子往見過同訪高存之於漆湖

令節思故人。流光懼蹉跎。心在桑隰篇。三復當如何。忽聞叩門聲。良友遠見過。攜吾訪同志。詰朝鼓輕舸。情殷無遙

路信宿。踰關河。依然漆湖上。春山渺。晴波主人愉。愉如兼。
以風口。和風和。卷簾坐。開樽烏來歌。忘飲飲更適。不覺芳
顏醜。階前山茶花。落英何其多。澄懷云一味恬淡卓不可
及子業之憂季思之樂皆
詩中君子也

雜詩

日出羣動作。智計千萬端。用此徒爲勞。不用不自安。所繇
在有身。坐令思慮殫。所以古賢達。與物同一觀。俛仰任所
之。宇宙何其寬。

壬寅正月西邨築室成

經始逼歲除。春肇室云考。結構稱心爲。彌拙亦彌好。邨樹
旣羅列。溪流復縈抱。北牖移修篁。南圃藝藥草。室中圖與

書。閒暇可探討。農人理耰耨。念此歲供早。顧我長負病。不
耕慚亦飽。

寄姚孟長

道同不用結。氣同不用求。神在未交先。彼此潛相投。感君
嘒嘒志。高廣正無儔。慷慨燈前言。奚止情綢繆。男子患無
志。有志良難酬。懷居易隨俗。安樂生煩憂。可憐早春役。烟
雨維揚舟。不知何所牽。行止不自由。殷勤孟秋約。期屆無
淹留。懷居二語
可作箴銘

夏日閒居

閒居不勝娛。何妨抱微疾。長以無事心。當彼攝生術。白日
一何長。臨牕坐捫蝨。飯餘弄清琴。臥起展殘帙。孤雲御微

風翩翩獨高出。

對客

嘿然對客坐。竟坐無一語。亦欲通殷勤。思了無取好言。不關情諒非君所。與坦懷兩相忘。何害吾與汝。達人之言

移居

冉冉歲云暮。寒風動林於。言辭東邨宅。去適西邨廬。豈無舊巢戀。歡與吾仲俱。西邨況不遠。相去一里餘。回瞻竹樹間。炊烟出前廚。吾病四十衰。厭厭日不如。憂患易反本。戚戚念友于。安得我叔氏。亦復來此居。遙望城中山。引領空嗟吁。

閒居寄沈伯和博士

蹇劣仍負病。分定無越想。柴門槿葉疎。臥看人來往。江南寒信遲。十月氣和朗。一夜好雨過。階前菜甲長。念我逕行人。中心悵養養。盤餐有餘滋。高駕何時往。

李流芳 二十首

流芳字長蘅嘉定人萬歷丙午舉於鄉再上公車不第天啟中聞魏忠賢亂政遂絕意進取長蘅為人孝友誠信好游山水詩學白蘇畫師吳仲圭書法規撫東坡所居檀園有花竹亭沼之勝與唐時升婁堅程嘉燧常共觴詠其中人稱嘉定四先生崇禎初卒有檀園集

朱雲子曰長蘅五古温厚深婉為體中獨絕律詩乃

率爾耳或問余子於五古頗去平調而長蘅不尙奇
險何收之多也余謂嘉隆間五古正恨其通套無痛
癢如一副應酬贅禮牙笏繡袍璀璨滿前自可假借
不必已出人亦不堪領受又如楚蜀舊俗以木魚漆
鴨宴客不若菘蕪之適口惡其僞也惡其襲也豈恨
其平哉詩到真處必平平到極處卽奇長蘅之平正
使好奇者無從入手此正奇之至也

過臯亭龍居灣宿永慶禪院同諸上人步月

歸裝出西湖間道向黃鶴屢愆桐塢期偶遂龍居諾輕舟
凌晨風遙山滿晴郭丹林尙可數寒條紛無託披松指微
徑聽水捫暗壑新構爭遠勢平臺攬搖落霜餘山容淺天

清海氣薄暫歇塵勞心始知寂滅樂

每多方外游見僧卽如故燈明一龕下夜長愜深晤不知
山月上千林已流素出門尋舊溪愛踏松影路氣和空宇
澄寒魄如春露幽泉洗我心微鐘杳然度

學陶韋而化

南歸

我年未四十已懷退隱圖俯仰又十年何爲尙躊躇經過
怯往蹟魂魄識畏塗去來廿年間道里三萬餘車裝敝屢
更何況此微軀所以不自決豈徒爲飢驅富貴亦復佳歲
月待我乎婚嫁幸已畢余口亦易餬故山臯亭下桃李滿
村墟深塢秀泉石近築靜者廬新梢想出籬疏泉行繞渠
雙鬢指天目一勺見西湖言之病已蘇况當長久居息黥

補吾劓。造物豈區區。朱雲子云富貴亦復佳歲月待我乎較樂天欲留年少待富貴富貴不來年少去二語婉折多少

北地行欲盡。始覺春萌芽。村柳色已新。藹藹煙中斜。渡河指齊郊。河邊見歸槎。淮徐行在眼。吳會亦匪賒。道路空苦辛。分定勿復嗟。生不愛京華。不如早還家。還家春已暮。及見桃梨花。

日暮雪色深。曠野絕行踪。御者惑四方。東西視天風。忽然見新月。冉冉來雲中。雪亦能照夜。得月光始通。度彼九曲坂。賴此兩素容。不知城郭近。杳杳聞微鐘。我從天未來。已覺下界空。

吾愛陶彭澤。出處皆草草。動必求其全。俗人自纏擾。吾爾

廿年交。知子如余少。愛子無俗情。俗情亦自好。口常說隱淪。身復戀溫飽。蹉跎兩不遂。此意各能了。茲游計百日。日日同傾倒。鞀鼓聲震天。風濤勢翻島。寢食間談諧。賴以忘病惱。不知分手路。只此閨門道。經過雖有期。別懷自悄悄。子歸及桃花。六橋踏清曉。別業在龍泓。泉石真可老。我歸百無歡。燒笋聽春鳥。秋風從子游。松閣爲我埽。此首吳門別子將作伯兄性寡營。生理日蕭條。兩弟皆食貧。汲汲度昏朝。爲農力不任。課兒亦無聊。餘潤或望余。自顧無脂膏。今當遂長往。念此中心焦。勉謝諸兄弟。此非人力邀。吾宗自薄祜。先達皆早彫。從兄及仲氏。當年踵登朝。至今同籍人。秉樞冠百僚。逝者倘可留。翩然亦雲霄。大命既有制。電露安可饗。

我雖老風塵。壽命較已牢。與其天斧斤。寧以樗散逃。傷彼
泉下人。憫我道路勞。兄弟更相慰。烹蔬傾濁醪。婆娑阿母
傍。此樂何陶陶。富貴有此否。何乃為我驕。天倫豈世情。苑
枯同所遭。但當崇令德。慎勿望門高。安孟公云長蘅非強
作高尚寔心好隱故
詩語皆從肺
腑中流出

訪秦心卿溪上懶園不遇有作

溪上好園亭。君家聞最勝。經過已廿年。今始識三徑。翳然
林木間。愛此飛閣映。位置不在多。貴與風物稱。主人意疎
豁。事事得真性。我來不相值。維舟柳邊暝。見戴自無須。悠
然發孤詠。位置二語非
雅人不能道

廿五白門七夕

舊日維舟處。懸情獨柳條。秋風又京國。客思正江潮。長路
有時到。歡期難再邀。徘徊望牛女。愁絕向中宵。

黃河夜泊

明月黃河夜。寒沙似戰場。奔流聒地響。平野到天荒。吳會
書難達。燕臺路正長。男兒久為客。不辨是他鄉。二首工
於發端

清河道中柬宋上木

漠漠黃河岸。荒荒落日風。鄉關雁影外。客路水聲中。吾道
只如此。心期偶得同。寂寥佳節近。忍負菊花叢。

檀園和伯兄韻

翠竹參差帶晚沙。一簾新月半欄花。風迴水葉翻翻白。雨
壓檐枝恰恰斜。宅比柴桑多種柳。門通茗雪可浮家。客來

隨分能供具。掃箒煨鑪與試茶。

西湖有長年。每以小舸載余往來湖中。臨行乞畫戲

題

常在西冷煙水邊。愛呼小艇破湖天。今朝畫出西冷路。乞與長年作酒錢。殊有天趣。澄懷按此詩或作楊龍友誤。

初宿法相夢與雲棲先師劇談

一到山房夢亦清。空林殘月話分明。曉鐘未動窗櫺白。聽得風敲橡子聲。

雨中看梅西磧卽事

湖畔泥深屐齒稀。春蘿寂寂亞山扉。人來犬吠梅花下。坐久經聲出翠微。

灩澦湖光澹澹山。密雲疎雨梅花斑。扁舟欲向花源去。遙指人家楊柳灣。

邨園門巷逐花低。藤蔓桑條咫尺迷。花底泉聲認歸路。沿流直到石橋西。

送汪伯昭游白門因憶舊游

雞籠山閣舊居停。曲檻迴廊幾度經。最是城陰秋望好。覆舟遙接蔣山青。

鼓樓岡下路高低。處處蘿牆映竹畦。記得清涼留宿夜。香燈貝葉雨窗西。

題畫贈人

梧桐樹下見秋還。風葉穿籬滿地斑。折得黃花杯在手。不

知世上幾人閒。作者七絕疎逸多姿頗近宋人

錢澄之九首

澄之字飲光桐城人有藏山閣集

朱錫鬯曰飲光禁罔潛蹤麻鞵間道或出或處或語或默詩屢變而不窮要其流派深得香山劍南之神髓而融會之昔賢評陶元亮詩云心存忠義地處閒逸情真景真事真意真飲光詩庶幾近之

沈確士曰飲光自抒情性無意工詩五言似陶公亦在神理不在字句與高忠憲歸待詔所謂異曲同工者也

汪端論曰季思長蘅飲光詩其源並出於陶公棲衡

飲必知命樂天人品襟抱本皆絕俗故語不求工而自無不工此五言正宗也豈鉤章棘句貌爲古奧者所能企及哉

效淵明飲酒詩

寄生大塊中。何者爲我故。譬如逆旅物。暫有安足據。在世雖百年。畢竟舍之去。臨去豈不戀。戀亦不得住。所以達觀人。澹然隨所遇。委順生死間。不厭亦不慕。日飲一杯酒。可以全此趣。

田園雜詩

夙昔慕躬耕。所樂山澤居。憂患驅我遠。常恐此志虛。十載一言歸。舊宅已焚如。嗟我昆與弟。茅茨倚廢墟。徘徊靡所

棲。還結田中廬。結廬雖不廣。牀席容有餘。牀上何所有一
二古人書。熒熒陂上麥。青青畦間蔬。日入開我卷。日出把
我鉏。

仲春邁時雨。既雨旋亦晴。百草吐生意。衆鳥喧新聲。紛紛
羣動出。各各有其營。孰是形骸具。而懷安居情。老農憫我
拙。解軛爲我耕。教以駕馭法。使我牛肯行。置酒謝老農。願
言俟秋成。

一春勤稼穡。草木荒東園。今晨始芟刈。逝將除其根。良苗
常恐短。惡草常苦繁。腰斧伐荆棘。用以衛籬籬。荆棘傷我
手。淋漓手中痕。手傷不足道。籬弱何以存。家人挈酒至。滿
斟在瓦盆。勸我飲一醉。頽然臥前軒。前軒無人來。春風開

我門。

雞鳴識夜旦。烏鳴識天時。東臯人語語。我起毋乃遲。攬衣
出門早。且復驅其兒。黃犢初教成。我鉏子則犁。犁鉏豈不
苦。衣食道在茲。道旁一老父。顰蹙前致辭。言兒筋力薄。稼
穡非所宜。詩書世所輕。猶是祖父遺。如何舍素業。自甘辛
苦爲多謝。老父意此意。君未知呼兒且飯牛。吾去燒東菑。
沈確士云若一
說明索然無味

春天不久晴。衣垢及時澣。身上何所著。幣襦及罽短。家人
念我寒。一杯爲斟滿。酒滿不可多。農事不可緩。奮身田野
間。襟帶忽以散。迺知四體勤。無衣亦自煖。君看狐貉溫。轉
使腰肢嬾。

人生會有盡。行止非自由。止亦不可趣。行亦不可留。如何
柴桑叟。汲汲爲此憂。終年痛飲酒。冀以忘其愁。吾身聽物
化。化及事。則休當其未化時。焉能棄所謀。有子亦須教。有
田亦望收。天心與人事。何息不周流。我不離世間。而願與
天游。安能外親戚。視之同聚漚。乃知黃老書。不如孔與周。
沈確士云。末章將倫常用存順。沒寧和盤托出。可以想其品槩矣。

雪朝偶成

林。雀。不。聞。譁。竹。窗。旋。已。曙。攬。衣。啟。柴。門。藹。藹。見。積。素。孤。烟
弱。不。高。野。田。微。有。路。土。畦。高。下。白。皓。若。宿。羣。鷺。寒。花。裏。不
舒。麥。色。萋。以。布。何。處。一。聲。喧。驚。此。山。鳥。去。寫雪景入神

金陵卽事

秋山無樹故峻嶒。幾度支筇未忍登。荒路行愁逢匹馬。舊
交老漸變高僧。鐘樓白吼南朝寺。佛塔還然半夜燈。莫向
雨花臺北望。寒雲黯淡是鐘陵。

張綱孫 四首

綱孫字祖望。一名丹。字秦亭。錢塘人。與陸圻毛先舒
柴紹炳吳百朋陳廷會孫治丁澎沈謙虞黃吳齊名。
稱西陵十子。有從野堂集。

毛馳黃曰祖望詩悲涼沈遠矯然不羣。

葉聖野曰秦亭詩輪囷結轆忽誹不亂。有小雅之遺。
朱錫鬯曰秦亭論詩謂少陵七律能用。比興他人雖
極工。不過賦爾。以是人皆賞其七律。然不若五古之

波瀾老成也其南北旅行諸篇尤為奇崛方之西陵諸子逸倫絕羣

今世說曰祖望性恬淡不樂交游好為詩古文詞喜山水深溪邃谷不避險阻每得意長嘯而返

白竹邨

路盤白竹邨崎嶇探窮谷居人八九家林杪構破屋下惟四柱立亭亭不附木仰視如鳥巢夕暝梯雲宿已防虎豹害復懼麋鹿觸我行多彷徨不敢歧路哭從者勿苦饑餐松毛羽足

沈確土云寫竹屋荒陋如見

小中塢

不覺虎穴過稅駕中塢裏山樓閣溪上朝夕得所倚古樹行蟻赤寒藤聚花紫攀厓嘯風前尋流行澗底松杪駐移雲竹籜落壞几潭影布游魚水氣迷香芷野爰探蜂窠溪樵抱麋子弱蘿扶欹木崩穴藏竄雉直諧宿昔心避世自此始

涿州城

曉霜不在地微白生牛背遙望涿鹿城嶺然沙磧內控縹走其下壁立皆土塊此地古范陽甲兵天下最側耳聞啼饑傷心自我輩野狼遇人噪蒼鷹攫雉碎生涯底如此浩歎茲行邁

沈確土云天下之險可使有飢民耶誰謂山野人不留心經國

晏城

小小古晏城西對華不注昔之晉郤克逐馬匝此處我行

實已懶解鞍歇薄暮。鳥嘯其羣老烏守枯樹不見古人
迹斷碑委樵路手摸苔蘚痕字句讀未誤平仲之采地緬
然起思慕奈何千載後蕪沒如野戍相望有遠山恐是齊
朝附。

明三十家詩選二集卷六下

錢塘 汪端 允莊輯

區大相 四十一

大相字用孺廣東高明人性至孝尚風節為文有奇
氣援筆數千言萬歷己丑成進士選庶吉士授翰林
檢討與修國史歷贊善中允掌制誥居詞垣十五年
先後柄政者皆賞其文輒引避一無所與自給諫調
南太僕寺丞二年移疾歸里居八年卒初前後七子
稱詩號翰林為館閣體用孺始力祛浮靡還之風雅
有海目集二十七卷

陳集生曰詩自三唐以來所號為大家正宗者幾何

明二家詩選二集卷六下
一
人幾何篇也如先生之心手相應音節和諧者蓋亦寡矣

朱錫鬯曰海目持律既嚴鑄詞必鍊其五言近體上自初唐四傑下至大歷十子無所不仿亦無所不合嶺南山川之秀鍾此國琛非特白金水銀丹砂石英已也又曰海目五律如鈍鈎初出拂鐘無聲切玉如泥又如饒吹平江秋空清響又曰弇州標榜前後五子而外廣爲四十子若似乎此外無遺賢矣說詩者遇隆萬朝士或置不觀直以公安竟陵繼七子之派不知隆慶諸臣已力挽叫囂之習歸於平澹而定陵初年人皆修詞琢句出入風雅之林若吾鄉李先生

伯遠若下鄭先生允升吳中歸先生季思嶺南區先生用孺尤爲傑出而閩中徐惟和兄弟曹能始謝在杭諸君均不爲楚咻所奪未見萬厯初之不及嘉靖季也學者取諸家詩讀之庶幾論世有權衡矣

汪端論曰海目詩思深而不苦律細而不狹氣壯而不厲調高而不浮樂府蘊藉五言高秀掩歐梁之前軌開陳屈之先聲誠嶺南風雅領袖也

古有所思

我所思兮大海南。何以致之紫雲緘。青瑤爲字金作函。波濤萬里不可涉。白日忽破扶桑嵐。我欲乘龍龍不可。驂我欲附青鳥青鳥不可。銜將淚滴海水爲我流。入明珠潭我

既無羽翼君亦一去無消息。從今勿復思相思。何終極。堂前瓊樹枝。把君舊顏色。攜酒高堂復幾時。君在天南我天北。

淮浦吟阻風待舟於淮上作

幸免黃河險。復阻清淮流。南風十日發。不見北來舟。晨起望佳人。日入未遑息。白雲蒼梧間。是我心所憶。雖有紉與綺。不如故時絺。雖有新相知。不如故所思。征夫念閨人。非為顏色好。游子戀故鄉。非關萬里道。梁崇一云須於無字句處尋釋其精義所在

樊城樂

夙昔逢歡時。相見何草草。女蘿附槿花。如何得終老。

月夜花下小酌和友人

碧空散微雲。孤月照遠客。以君衣上光。鑒我花間席。傾壺逐夜涼。隔林望歸翮。槭槭葉墮墜。淒淒風入隙。清光正娛人。徘徊戀終夕。

初歸故園

祇役在淮都。事已返舊疆。舊疆八千里。鄉路杳何長。清晨至里門。車徒不敢張。鄰里聞我來。老稚走相望。親族聞我來。牛酒各自將。勞慰未云畢。倉卒敘炎涼。問我何官爵。謬登著作郎。問我何職業。石渠典秘藏。問我何所就。低首不能昂。去家事明主。遭世本虞唐。出入金閨裏。昕夕銅龍傍。優游文墨職。咫尺獨靡遑。茲辰承嘉命。持節還故鄉。故鄉

多密親誰存。復誰亡。存者咸會斯。亡已歸山岡。寄言宦游者。故鄉安可忘。

別汪和叔之塞上

花前各盡觴。游子賦河梁。我望南枝返。君同北雁翔。笳聲咽隴底。海色愁漁陽。未共酬恩去。相思塞草長。

入羅滂水

井邑新安集。閭閻雜漢猺。火耕春伐木。山獵夜歸樵。潮響蠻溪合。林光瘴峒消。直須勤撫字。慎勿困征徭。

客中九日

細雨黃花節。秋風竹葉杯。異鄉誰送酒。何處更登臺。木落江雲暮。天寒塞雁來。惟憐三徑在。歸去剪蒿萊。

九日偕館中諸友集天寧寺

帝京重九日。朋舊共開尊。地遠城西寺。臺高薊北門。雲光移塢影。山勢斷河源。忽覩南征雁。令余思故園。

早春長安道上

雙闕麗朝霞。千門競歲華。苑雲微帶雪。宮柳半藏鴉。結駟過平樂。揚鞭赴狹斜。春風纔幾日。先發上林花。清麗似初唐

家人初至京置酒亭中對雪作

庭霰今朝集。家筵此日開。不知燕地雪。猶訝故園梅。玉袖承花出。珠簾卷絮迴。瑤華雖可贈。畱賞上春來。沈確士云中允海南

人海南無雪故領聯特妙頸聯亦秀豔香霧雲鬢同一筆墨

戲馬臺

芒碭吞大澤。臺上起悲風。漢世人心屬。君王馬步工。孤城
蒼樹斷。野戍暮煙空。獨有彭門會。高秋懷宋公。梁崇一云語帶諷刺

同人載酒聖安山房言別

悵然此握手。共把青松枝。雁度斜陽裏。蟬嘶落葉時。浮雲
增暮色。古木澹秋姿。跡與僧無住。何方是別離。

送胡孟弼之沅江

浮湘明日事。江畔暮行吟。易動騷人怨。難爲國士心。秋風
吹芷岸。落日滿楓林。知有還家夢。潯陽九派深。

送薛行人持詔南楚便歸嶺外

邊事勞行役。秋冬兩戒輶。方回遠左使。復作楚南游。雪樹
江關驛。雲帆海國樓。仍聞下詔日。父老共銷憂。五六襄陽風格

送張僕卿還桂林

還朝能幾日。去國逼殘年。別路春前酒。離亭雪後天。衡陽
隨去雁。湘浦問歸船。未是投閒日。東山臥莫堅。

登來青軒

層軒翠微裏。宸翰此高題。仰見星辰列。平看雲霧低。路盤
陵樹北。山擁帝城西。萬乘來游地。應無七聖迷。

昌平道中

山家未夕昏。半已掩柴門。車馬爭塗疾。牛羊下坂喧。春陰
入陵樹。雨色過湖村。誰道相如病。猶堪守漢園。

朝陵遇雨

言避嶠陵雨。翻行大壑雲。微風清樹氣。積潤洗山文。銀海

春波濶。龍池細澗。分九陵松柏路。香靄日氤氳。沈宋佳製

送游宗謙出塞

嗟君垂老日。策馬薊門東。易酒顏猶壯。燕歌氣尚雄。敝裘經積雪。頽鬢逐秋蓬。寄謝行間客。無輕塞上翁。

送何儀部稚孝謫桂林

長沙非不遠。南去更蕭森。謫宦楚山盡。獨行湘水深。鄉書同雁少。官舍共猿吟。今夜懷人夢。隨君到桂林。

出錢塘覽古作

駐馬錢塘路。逢人說勝游。湖光吳苑曉。山色宋陵秋。巖桂密連寺。渚花高映樓。傷心六橋月。不照汴河洲。梁崇一云蒼秀

晚霽玉峽驛望玉笥山

峽東江流窄。山欹堞影低。玉梁沉宿霧。金澗落晴霓。水鳥窺魚下。林猿摘果啼。靈峰不可到。矯首問丹梯。

謁張文獻祠

一代孤忠在。千秋大雅存。詩才推正始。相業憶開元。曝日陳金鑑。蒙塵想劔門。更吟羽扇賦。搖奪不堪論。包括曲江全傳可稱

史筆

秋日還山

村邊黃葉路。溪上白雲岑。草屋山家淺。松門野寺深。羣魚依密藻。獨鶴返高林。若問還山事。多應負此心。梁崇一云景末二句寫情格法又別

浮邱洞中宴

洞府游仙入樓臺望氣通焚香來桂女行酒命芝童鶴舞
春池月鶯啼碧樹風何當倚長袖共挹浮邱公

明秀近
太白

晚發三水湖北江

行客纔經宿離愁已不堪郵亭數長短江路背西南里樹
春煙斷山城夕照含何時已行役歸結桂松庵

於曲江逢高正甫奉使南還

相逢一杯酒與子暫綢繆以我北來信附君南下舟鄉心
滄海上客淚曲江頭爲問乘槎使何時到廣州

中秋望月簡董玄宰太史

月滿層城上秋分御苑中玉樓寒自迥珠箔照還空望美
今宵隔含情幾處同此時折桂客或在明光宮

夜坐

夜坐不覺久庭烏棲復啼燈前下黃葉井上鳴莎雞漏靜
風聲細帷空月影低城南有思婦幽夢越遼西

寒日

霜林無一葉寒日復多風碩果猶存否危巢本易空誅求
三戶盡杼軸萬方同白石南山曲悲歌夜未終

少陵

大科峰是西樵絕頂

登高四望開絕頂出瑤臺遠岫一方缺長江數道來雲間
下鸞鶴天上掃莓苔高揖煙霞外三山何處哉

匡門弔古

遺恨前朝事吾來問水濱乾坤存一旅社稷有三臣慘澹

勤王志。間關護主身。至今厓畔石。風雨洗凝塵。梁崇一云。不過作感。

傷語
更高

南行感懷

聞道貂璫輩。由來為掃除。先朝煩鎮守。重任典方輿。貢采山川竭。徵輸井邑虛。明明皇祖訓。宮府意何如。沈確士云。使紛紛四出。至寺人職掃除者。列坐督撫之上。小民窮瘁。幾於賦茗華歌。蓑楚矣。詩中念祖訓。正以慨時事之非。

閭門寓目

蓼花風起渚蓮飄。處處菱歌送晚橈。吳苑幾年無霸氣。胥門終古有歸潮。楓林竹岸斜連郭。水寺溪村盡帶橋。獨有館娃宮外柳。年年煙雨鎖長條。

出均州赴太和行馳道上

百里天街石路平。游人指點近瑤京。芳林隔水聞花氣。虛谷含風有鳥聲。衣上嵐光千片落。帷前山色數峰晴。逢迎道左多真侶。未入雲門思已清。

端溪雜詠

夕陽下前山。山光落溪水。欸乃時一聞。只在山光裏。

望七星巖

仙山對城郭。纍纍七星石。中有太古文。世人了不識。

附錄

鄭明選 六首

明選字允升。歸安人。萬曆己丑進士。除安仁知縣。擢南京刑科給事中。有鳴缶集。

朱平涵曰先生詩不施鉛粉不事雕琢一稟於雅澹然成趣

朱錫鬯曰先生五言近體全學高達夫語不求工而句鏗字鍊卓然名家

感懷

黃虞世已遠。大道漸陵遲。十室八九空。姦邪乃猖披。法令日以繁。盜賊日以滋。宣尼相魯國。道路不拾遺。君子正其本。禮義將自治。莫以鞭與轡。能使疲馬馳。莫以刑與戮。能使風俗移。長吏苟有闕。三尺將安施。以操切為治者不可不誦此詩

十五夜寫懷

明月孤懸夜。空齋獨坐人。地平連海岳。天濶散星辰。祿米

悲親沒。柴門憶弟貧。吾生無限事。況感百年身。

與楊叔純

許子南昌去。王孫嶧縣游。舊交如雨散。春水滿城流。不見江邊閣。徒懷雪裏舟。故鄉惟汝在。莫惜屢相求。

恭聞冊立皇太子喜而賦詩

少海初流潤。前星已麗空。九重原獨斷。四皓本無功。鶴馭丹霄上。龍樓紫禁東。君王有金鑑。早晚賜春宮。沈確士云神廟為鄭如故。屢欲建立。福王迫於公議而止。作者歸美九重。獨斷立言之體。故應溫厚也。

望鍾山

鍾山望不極。終日紫氤氳。宿雪雙峰出。春沙八水分。龍蟠思霸王。鶴怨想徵君。縹緲園陵外。松楸起白雲。

